

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

EUSKERA, KULTURA ETA KIROL SAILA

186/2019 Foru Agindua, ekainaren 12koa, onartzen duena Arabako Lurralde Historikoko irabazteko xederik gabeko erakundeentzako Eskola Kiroleko Programa eta hura arautzen duen araudia 2019-2020 kanpainan

Eusko Jaurlaritzako Kultura Sailaren uztailaren 1eko 125/2008 Dekretuak, eskola kirolari buruzkoak, ezarritakoaren arabera, Lurralde Historikoetako foru organoei dagokie eskola kiroleko urteko programak egin, onetsi eta betearaztea, xedapen horietan jasotzen diren jarraibideen arabera.

Eskola kiroleko programak bideratuta egongo dira haurren eskola heziketa integrala osatzera, ikasleen nortasuna harmonikoki garatzera, baldintza fisiko eta osasun baldintza egoiak lortzera, eta, urteak aurrera joan ahala, kirola egiten jarrai dezaten prestatzera.

Arabako Foru Aldundiaren esparruan, Euskara, Kultura eta Kirol Saila da eskola kiroleko programak egin, onetsi eta betearazteko ardura duena, Diputatuen Kontseiluaren otsailaren 9ko 16/2016 Foru Dekretuaren ondorioz, zeinaren bidez onetsi baitzen Euskara, Kultura eta Kirol Sailaren egitura organiko eta funtzionala. Saileko diputatuak erregelamendu ahala egikaritzeko eskumena du, bere sailari dagozkion gaietan.

Xedapen hau Euskara, Kultura eta Kirol Saileko Foru Diputatuaren maiatzaren 29ko 163/2019 Foru Aginduaren bidez hasi zen lantzen, eta, ondoren, Euskara, Kultura eta Kirol Saileko Foru Diputatuaren ekainaren 4ko 174/2019 Foru Aginduaren bidez, xedatu zen alde aurreko onespina ematea proiektuari. Halaber, alde aurreko kontsulta publikoa eta entzunaldia egin dira, jendaurrean jarri da, arau eraginaren txostena eta kontrol ekonomiko eta araugintzako txostena egin dira, eta legezketasun kontrola igaro zaio.

Urriaren 1eko 39/2015 Legeak, administrazio publikoen administrazio prozedura erkidearenak, gobernuen eta administrazio publikoen araugintza ahala erabiltzean aplikatu behar diren zenbait printzipio eta teknika ezarri ditu, oinarritzko jotzen dituenak. Hori dela eta, maiatzaren 23ko 29/2017 Foru Dekretuan eta administrazio prozedura erkidearen oinarritzko araudian jasotzen diren arauketa onaren printzipioak betez, dekretu hau izapidetzean begiratu egin dira printzipio horiek; hain zuzen, beharrian, eraginkortasun, proportzionaltasun, segurtasun juridiko, gardentasun, eta efizientziaren printzipioak.

Programa hori eta hura 2019-2020 eskola kirolaren kanpainarako arautzen duten arauak onesteko premiak badu arrazoi bat, eta da Arabako Foru Aldundiari dagokiola eskola kiroleko urteko programak egin, onetsi eta gauzatea, halaxe xedatzen baitu Eusko Jaurlaritzako Kultura Sailaren uztailaren 1eko 125/2008 Dekretuak, eskola kirolari buruzkoa. Proposatutako arauketa da hori bermatzeko tresnarik aproposena.

Proportzionaltasun printzipioaz den bezainbatean, proposatutako arauketak eskubideak esleitzen dizkie pertsona administratuei, bai eta betebeharrak ezarri ere. Ase nahi den premiari erantzuteko ezinbestekoak diren arauak jasotzen ditu, eskubideak gutxiago murrizten dituen edo hartzaileei betebeharrak gutxiago ezartzen dizkion beste neurririk ez dagoela egiaztatu ondoren.

Segurtasun juridikoaren printzipioa bermatzen da, proposatutako arauketa ez baita kontraesankorra Europar Batasuneko zuzenbidearekin konparatuz gero, ezta gainerako ordenamendu juridikoarekin alderatuta ere. Nahikoa justifikatua gelditzen da bai ordenamendu juridikoan sartzen dela bai hura ematen duen organoa horretarako gaitua dagoela.

Gardentasun printzipioari dagokionez: kontuan izan behar da ezen, maiatzaren 23ko 29/2017 Foru Dekretuaren bigarren xedapen gehigarriko a) Bigarrena apartatuan xedatutakoa oinarri, ez direla beharrezkoak alde aurreko kontsulta publikoko eta entzundiko eta jendaurreko informazioko izapideak, ordezkatzan duen xede bereko ebazpenak (2018-2019 kanpainakoak) izapide horiek bete dituelako jada.

Eraginkortasun printzipioaz den bezainbatean, proposatutako arauketa horrek, duen izaeragatik, ez dakarkie herritarrei ez administrazio karga osagarririk ez premiagabekorik, ez baliabide publikoen kontsumo handiagorik.

Horregatik, eta dagozkidan ahalmenak erabiliz, hau

XEDATZEN DUT

Bakarra. Onespina ematea Arabako Lurralde Historikoko irabazteko xederik gabeko erakundeentzako eskola kiroleko programari eta hura arautzen duen araudiari 2019-2020 kanpainarako. Hona hemen zehaztuta (foru agindu honen eranskinetan ageri dira):

– Arabako Lurralde Historikoko eskola kirolaren programa irabazteko xederik gabeko erakundeentzako, 2019-2020ko kanpaina (I. eranskina).

– 2019-2020 kirol partaidetzako ibilbidearen barneko hastapenetako jarduerak, aisialdikoak, kirol zein kultura jarduerak eta lehiaketa aldatuak arautzen dituen araudia (II. eranskina).

– Errendimenduaren hastapenen ibilbidearen barneko antzemate jardueren, teknifikaziozkoen eta errendimendu lehiaketan araudia (III. eranskina).

– Eskola kiroleko 2019-2020 kanpainako izen-emateen, baimenen eta egoera berezien araudia (IV. eranskina).

– Eskola kiroleko 2019-2020 kanpainaren barruan erakunde laguntzaileek parte hartzearen araudia (V. eranskina).

– Eskola kiroleko 2019-2020 kanpainako programaren barruan, irabazteko xederik gabeko erakundeen joan-etorrietarako araudia (VI. eranskina).

– Prozedura arautzea Arabako Lurralde Historikoko irabazteko xederik gabeko erakundeei baimena emateko 2019-2020 kanpainan eskola programaren barruan ez dauden kirol jarduerak antolatzeke eta eskola adineko kirolariek haietan parte hartzeke (VII. eranskina).

AZKEN XEDAPENAK

Lehenengoa. Gaitzea

Euskara, Kultura eta Kirol Saileko Zuzendariari ahalmena ematea Foru Agindu hau beteazteko beharrezkoak diren baimenak jaulki ditzan.

Bigarrena. Indarrean sartzea.

Foru Agindu hau ALHAOn argitaratu eta hurrengo egunean jarriko da indarrean.

Vitoria-Gasteiz, 2019ko ekainaren 12a

Euskara, Kultura eta Kirol Saileko foru diputatua
IGONE MARTÍNEZ DE LUNA UNANUE

Euskara, Kultura eta Kirol Saileko zuzendaria
JOSEBA KOLDO PÉREZ DE HEREDIA ARBIGANO

Foru aginduaren I. eranskina**Eskola kiroleko programa Arabako Lurralde Historikoko irabazteko xederik gabeko erakundeentzat, 2019-2020 kanpaina.**

Euskadiko Kirolaren 14/1998 Legean eta Eusko Jaurlaritzaren Kultura Sailaren eskola kirolari buruzko Dekretuan ezarritakoaren arabera (125/2008 Dekretua, uztailaren 1ekoa), Arabako Foru Aldundiari dagokio eskola kiroleko urteko programak egin, onartu eta betearaztea, xedapen horietan jasotzen diren jarraibideen arabera.

1. - Xedea

Eskola kirola da, Euskadiko Kirolari buruzko Legean ezarritakoaren ariora (14/1998 Legea, ekainaren 11koa), eskola umeek nahitaez eskolaratzeko aldiari eta eskolaz kanpoko ordutegietan egiten duten kirol jardueraren antolatua.

Jarduera horiek eskaintzen dira eskolako hezkuntza integrala osatzearren, nortasunaren garapen harmonikoa eragitearren, eta eskola utzi osteko urteetan kirola jarraitasunez egiteko aukera emango duten gorputz eta osasun egoera eta prestakuntza bat iristeko modua ematearren.

Eskola kirolaren praktika, funtsean, ikastetxeen bitartez egituratzen da, ikasleen gurasoen lankidetzarekin eta ikastetxearen gorputz hezkuntzako mintegiaren parte hartzearekin. Era berean, baimena ematen da klubek, kirol elkarteek eta abarrek ere parte har dezaten.

Kirol federazioen ardura izango da –haiena funtsean– eskola kiroleko lehiaketa programak antolatu eta egikaritzearako aholkularitza teknikoa eta lankidetzaren ematea.

Kirol federazioek ezingo dute izapidetu ez eman 2006an edo ondoren jaiotako eskola umeentzako lizentziarik, salbu Arabako Foru Aldundiaren berariazko baimena lortzen badute, aldeztu aurretik eskaria eginik.

Toki erakundeek, funtsean, lagunduko dute behar bezala gauzatzen eskola kiroleko programa, udalen kirol ekipamenduak ikastetxeei eta arabar kirol federazioei lagata, bereziki eskola kiroleko instalazio nahikorik ez dagoenean parte hartzaileen kopuru handiagatik edo kirolgune espezifikokoak behar izateagatik.

Eskola ume minusbaliatuak hezkuntza sistema normalizatuan sartuko badira, aukera eman behar zaie kirola egin dezaten beren eskola-kideekin, ahal delarik. Horretarako, araudien edukia egokitu egin behar zaizkie eskola ume horien beharrezan, integrazioa egia bihurtzeko.

Eskola kirolaren filosofia betetzearren, eskola umeak ezingo dira diskriminatu hautaketa prozesuen bidez. Era berean, parte hartzen duten erakunde guztiek hitz eman behar dute errespetatuko dituztela eskola kirolaren hezkuntza printzipioak; orobat bete beharko dute eskola kiroleko 2019-2020 kanpainako baimenak eta kausa bereziak arautzen dituen araudian ezarritakoa.

Ikastetxeek, gainera, eskualdeko kirol klubetik lankidetzaren bidez ahal izango dute, hartara, lehenbiziko adinetan, kirol klubetako zerbitzu teknikoek parte har dezaten eskola umeak kirolaren hastapenetan gidatzeko orduan, ikastetxeak ezarritako hezkuntza helburuekin bat etorriz.

Era berean, ikastetxeek lagundu egin behar dute eskola umeak kirol klubetan sartzeko aukera izan dezaten adin jakin batzuetan eta kirol modalitate bakoitzaren ezaugarrien arabera, bermatzearren kirolaren praktikak jarraipena izan dezan eskolaratze aldia amaitutakoan, dela kirol federatuetan edo aisialdiko kirolean.

2. - Eskumenak

Arabako Foru Aldundiari dagokio eskola kiroleko urteroko programak egin, onartu eta egikaritzea. Hala ere, betez gero erregelamenduz ezarritako baldintzak, Arabako Foru Aldundiaren Euskara, Kultura eta Kirol Sailak baimena eman dezake eskola kiroleko programan

aurreikusten ez diren kirol lehiaketak antolatzeko, federatutako lehiaketetan parte hartzeko eta kirol modalitate batzuetan teknika hobetzeko unitateak garatzeko.

3. - Kategoriak, jaioturteak eta aplikazio eremua

KATEGORIA	JAIOTZA URTEA	ESKOLA KIROLA	APLIKAZIO EREMUA
Benjamin aurrekoa (1. urtea)	2013	Lehen Hezkuntzako 1.a	Tokikoa
Benjamin aurrekoa (2. urtea)	2012	Lehen Hezkuntzako 2.a	Tokikoa
Benjamina (1. urtea)	2011	Lehen Hezkuntzako 3.a	Lurraldekoa
Benjamina (2. urtea)	2010	Lehen Hezkuntzako 4.a	Lurraldekoa
Kimua (1. urtea)	2009	Lehen Hezkuntzako 5.a	Lurraldea / Autonomia erkidegoa
Kimua (2. urtea)	2008	Lehen Hezkuntzako 6.a	Lurraldea / Autonomia erkidegoa
Haurra (1. urtea)	2007	DBHko 1.maila	Lurraldea / Autonomia erkidegoa / Estatua
Haurra (2. urtea)	2006	DBHko 2. maila	Lurraldea / Autonomia erkidegoa / Estatua
Kadetea (1. urtea)	2005	DBHko 3. maila	Lurraldea / Autonomia erkidegoa / Estatua
Kadetea (2. urtea)	2004	DBHko 4.maila	Lurraldea / Autonomia erkidegoa / Estatua

4. - Ibilbideak eta kirol jarduerak

Escola kirolari buruzko 125/2008 Dekretuak ezartzen duenaren ariora, eta kontuan hartuz gure lurraldearen errealitatea, Arabako Lurralde Historikoan 2019-2020 kanpainan gauzatzekoak diren ibilbide eta jarduerak honako hauek izango dira:

IBILBIDEA	JARDUERAK
Kirol partizipazioko ibilbidea	<ul style="list-style-type: none"> — Hastapen jarduerak — Aldatutako lehiaketak — Aisialdiko jarduerak — Kultur eta kirol jarduerak
Errendimenduaren hastapenak ibilbidea	<ul style="list-style-type: none"> — Antzemate jarduerak — Teknifika hobetzeko jarduerak — Errendimenduaren hastapeneko lehiaketak

5. - Parte hartzeko egiturak

5.1. Ikastetxeak, Eusko Jaurlaritzako Hezkuntza Sailak onartutakoak badira eta, egoitza Arabako Lurralde Historikoan edukirik, derrigorrezko hezkuntzari dagozkion mailetan irakaskuntza ofizialak eskaintzen badituzte.

Ikastetxeek berek zuzenean eman dezakete izena, edo berekin lotura duten irabazteko xederik gabeko erakundeen bitartez (Ikasleen Gurasoen Elkarte, kirol elkarte, klub, eskola kirola kudeatzeko egitura eta abarren bitartez), denak ere legez eratuak badira eta Eusko Jaurlaritzaren dagokien erregistroetan erregistraturik badaude.

5.2. Araban egoitza duten irabazteko xederik gabeko erakundeek, hala nola, klubek, kirol taldeek, elkarteek, federazioek, kirol fundazioek eta horrelakoek, eskola kiroleko 2019-2020 kanpainan parte har dezakete, berariaz baimenduko diren kirol modalitate eta kategorietan, baldin eta behar bezala eratuta badaude eta Eusko Jaurlaritzako dagokien sailetan erregistratuta badaude.

6. - Programaren iraupena

Escola kiroleko 2019-2020 programa 2019ko irailaren 1a eta 2020ko abuztuaren 31 bitartean gauzatu da.

Hala ere, Arabako Foru Aldundiaren Euskara, Kultura eta Kirol Sailak bere esku izango du beste hasiera eta amaiera data batzuekiko jarduerak baimentzea edo antolatzea.

7. - Ikastetxe eta irabazteko xederik gabeko erakundeentzako eskola kiroleko programa garatzeko araudia.

– Kirol partaidetzako ibilbidearen barneko hastapenetako jarduerak, aisialdikoak, kirol zein kultura jarduerak eta lehiaketa aldatuak arautzen dituen araudia. (II. eranskina)

Kirol partaidetzako ibilbidearen helburu nagusia da eskola umeak, hala nahi badu, egin dezala kirola eta gorputz ariketa, ezagut ditzala era bateko eta besteko kirol modalitateak eta har ditzala kirola egiteko ohitura eta biziera osasungarri bat. Horri begira, hainbat jarduera garatzen dira ibilbide horren barruan.

– Errendimenduaren hastapenetako ibilbidearen barneko antzemate jarduerak, kirol teknika hobetzekoak eta errendimendu lehiaketak arautzen dituen araudia (III. eranskina).

Errendimenduaren hastapeneko ibilbidearen helburua da eskola umeei aukera ematea, hala nahi badute, hasteko errendimendua eta kirol helburuak gainditzea xede dituen kirol praktika batean hasteko.

– Eskola kiroleko 2019-2020 kanpainako izen-ematea, baimenak eta egoera bereziak arautzen dituen araudia (IV. eranskina).

Arabako eskola kirolaren kanpainan parte hartu nahi duten erakunde guztiek eman behar dute izena Arabako Foru Aldundiaren Euskara, Kultura eta Kirol Sailean, dagozkion agiriak aurkeztuta.

Eskola kirolaren 2019-2020 programaren barruan baimenak eskatzeko bete behar diren gutxienezko baldintzak arautzen dira, bai eta gerta daitezkeen kasu berezien aurrean jokatzeko modua ere.

– Erakunde laguntzaileen parte hartzea arautzen duen araudia (V. eranskina).

Eskola kirolaren 2019-2020 kanpainan garatzekoak diren jarduerak garatzeko, esperientzia frogatua duten irabazteko xederik gabeko erakundeek laguntza teknikoa emango dute kirol antolakuntzaren, antolakuntza teknikoaren, prestakuntzaren antolakuntzaren arloetan eta abarretan.

– Eskola kiroleko joan-etorriei buruzko arautegia (VI. eranskina).

Hemen arautzen dira, 2019-2020 kanpainarako, eskola kiroleko programaren barruan Arabako Lurralde Historikoan gauzatzekoak diren joan-etorrietarako eskabideak egiteko sistemak, egoitza Arabako Lurralde Historikoan izanik kanpainan izena emanda dauden erakundeentzat.

– Baimenak emateko prozedura, 2019-2020 programan sartuta ez dauden kirol jarduerak antolatzeko eskola adinean diren kirolarientzat eta haietan parte hartzeko (VII. eranskina).

Eskola adinean diren kirolarientzat 2019-2020 kanpainako eskola kiroleko programan sartuta ez dauden jarduerak antolatzeko eta haietan parte hartzeko, baimena behar da, eta baimen hori emateko prozedura arautzea da xedea.

8. - Aseguruak

Arabako Foru Aldundiak honako aseguru motak egingo dizkie eskola kiroleko programetan aurreikusitako kirol jarduera guztietako parte hartzaileei:

a) Osasun laguntzako aseguruak, baldin parte hartzaileak ez badauka halakorik beste arrazoi batengatik. Aseguru horren onuradun izateko, kirol jarduna hasi baino lehenago eskatu behar du, eskaera arrazoitu eta dokumentatuko duelarik.

b) Erantzukizun zibileko aseguruak.

c) Galera anatomiko edo funtzionalengatik edo, aseguru legeriak onartzen dituen kasuetan, parte hartzailearen heriotzagatik kalteak ordaintzeko aseguruua.

Eskola kiroleko kanpainan parte hartzeko sistemetako batean parte hartzen duten guztiek aseguru poliza bat edukiko dute, B) eta C) ataletan eskatutako estaldura bermatzen diena

Eskola kiroleko kanpainan inskribaturiko erakunde orok aseguruaren berariazko ezaugarriak ezagutarazi beharko dizkie parte hartzaileei, eta bereziki adingabekoen legezko ordezkariari, batez ere honako datu hauek aipatuz: aseguruaren estaldura sistema, parte hartzailea inskribatuta dagoen erakundearen antolamendu ezaugarriak, eta egiten duten kirol jarduera erabat ezagutzeko interesgarriak izan daitezkeen datu guztiak.

Eskola kirolaren 2019-2020 kanpainan izena emandako erakundeek nahitaez jakinarazi behar dute jardueretan egindako aldaketa oro, bai eta jardueren amaiera ere, eta, hala balegokio, orobat jakinarazi behar dituzte jarduera horietan izena emandako eskola umeen altak eta bajak, parte hartzaileen datu baseak eguneraturik edukitzearen eta datu base horiek eskola kirola babesten duen aseguruaren eskura izan daitezen.

9. - Publizitatea

Eskola kiroleko programa hau ALHAOn argitaratu behar da, eta ahalik eta zabalkunde handiena eman behar zaio.

10. - Garapena

Euskara, Kultura eta Kirol Saileko foru diputatuak deialdi honen garapenerako bidezkoztat jotzen diren garapen ebazpenak emango ditu.

11. - Interpretazioa

Araudi hau interpretatzerakoan zalantzarik sortzen bada, zalantza hori Euskara, Kultura eta Kirol Saileko Kirol Zerbitzuak argituko du.

12. - Errekurtsioak

Aukera izango da inpugnatzeko eskola kiroleko programa hau eta beraren ondorioz sortutako administrazio egintza oro, Herri administrazioen araubide juridikoaren eta administrazio prozedura erkidearen Legeak ezarritako kasuetan eta eran.

13. - Azken xedapenak

13.1. 2019-2020 eskola programan izena ematen duten erakunde guztiek betebeharra izango dute baldintza orokorrak edo kasuan-kasuan aipatzen direnak onartzeko, eta, halaber, programa edo proiektu onartua ikuskatu, nola garatzen den zaindu eta egiaztatzearen Euskara, Kultura eta Kirol Sailak izendatzen dituen pertsonen presentzia onartzeko.

Horretarako, izena emandako erakundeek konpromisoa hartzen dute gauzatutako jarduerak direla-eta Euskara, Kultura eta Kirol Sailak eskatzen dizkien datu eta dokumentu guztiak helarazteko.

13.2. Bizkaiko eta Gipuzkoako kirol erakundeek, beren kokagune geografikoa edo kirol tradizioa direla eta, baldin Arabako Foru Aldundiak antolatutako eskola kiroleko 2019-2020 kanpainan programatzen diren jardueretan parte hartu nahi badute -beti ere, ezarritako eskakizunak betetzen badituzte (kategoria, berariazko kirol mota eta abar)-, idatziz eskatu beharko diote Arabako Foru Aldundiko Kirol Zerbitzuari. Hartara, beren lurralde historikoetako eskola kirolaren arloko organo arduradunen baimena aurkeztu beharko dute nahitaez.

Baldin Euskal Autonomia Erkidegotik kanpoko kirol erakundeek, beren kokagune geografikoa edo kirol tradizioa direla eta, Arabako Foru Aldundiak antolatutako eskola kiroleko 2019-2020 kanpainan programatzen diren jardueretan parte hartu nahi badute -beti ere ezarritako eskakizunak betetzen badituzte (kategoria, berariazko kirol mota eta abar)-, idatziz eskatu beharko

diote Arabako Foru Aldundiko Kirol Zerbitzuari. Hartara, beren probintzia edota autonomia erki-degoko eskola kirolaren arloko organo arduradunen baimena aurkeztu beharko dute nahitaez.

13.3. Parte hartzen duten erakundeek beren gain hartzen dituzte jarduerak egiteak eragin ditzakeen era guztietako erantzukizunak.

13.4. Eskola kirolaren arloan indarrean dauden xedapenak ez badira betetzen, zehapen edo administrazio erantzukizuna eskatu ahalko da ekainaren 11ko 14/1998 Legean, Euskadiko kirolarenean, eta hura garatzeko araudian ezarritakoa oinarri.

13.5. Eskola kiroleko 2019-2020 kanpainan izena eman duten erakundeak behartuta daude egiaztatza, Sexu Delitugileen Erregistro Zentralaren ziurtagiri negatiboaren bidez, beren antolamenduaren eremuan adingabeekin lanean diharduten profesionalak eta boluntarioak ez daudela kondenatuta epai irmo bidez sexu askatasunaren eta sexu ukigabetasunaren aurkako delituengatik, urtarrilaren 15eko 1/1996 Lege Organikoaren, adingabearen babes juridikoaren, 13.5. artikuluan xedatutakoaren arabera.

Foru Aginduaren II. eranskina**Kirol partaidetzako 2019-2020 ibilbidearen barneko hastapenetako jarduerak, aisialdikoak, kirol zein kultur jarduerak eta lehiaketa aldatuak erregulatzen dituen araudia.****1. - Xedea**

Arabako Lurralde Historikoan egingo den eskola kiroleko 2019-2020 kanpainan kirol partaidetzako ibilbidearen barneko hastapenetako jarduerak, aisialdikoak, kirol zein kultur jarduerak eta lehiaketa aldatuei buruzko arauak ezartzea.

Kirol partaidetzako ibilbidearen xede nagusia da nahi duen ikasleak kirola edo jarduera fisikoa egin, zenbait kirol mota ezagutu eta kirol ohitura eta bizimodu osasungarria izan ditzala. Horretarako, zenbait jarduera garatzen dira ibilbide honetan.

2. - Parte hartzen duten erakundeak

2.1. Ondokoek har dezakete parte: derrigorrezko irakaskuntza ofizialeko eskolak ematen dituzten Arabako Lurralde Historiko ikastetxeek, Eusko Jaurlaritzako Hezkuntza, Unibertsitate eta Ikerketa Sailaren oniritziarekin eta horretan aritzeko onartuta daudela.

Ikastegiak zuzenean inskriba daitezke, eta haiekin lotura duten irabazteko xederik gabeko erakundeek bitartez ere inskriba daitezke (IGEak, elkarteak, klubak, eskola kirola kudeatzeko egiturak, etab.; legez eraturik egon behar dira).

2.2. Irabazteko xederik gabeko erakundeek ere parte hartu ahal izango dute (klubek, elkar-teeek eta abarrek), behar bezala eratu eta Arabako Lurralde Historikoan egoitza izanik Eusko Jaurlaritzaren dagozkien sailetan izena emanda daudenak.

3. - Hastapenetako jarduerak, aisialdiko jarduerak, kirol jarduerak eta kultura jarduerak

Lehiaketetan parte hartzea bideratuko ez diren hainbat kirol modalitate irakasteko jarduerak, horietan parte hartu nahi duten ikasle guztientzat eskaintzen badira eta kirola egiteko gaitasuna dela-eta inolako murrizketarik ez badago.

Honelakoetan inskribatutako taldeek eta kirolariek ezin izango dute parte hartu lehiaketa ofizialetan 2019-2020ko Arabako Eskola Jokoetan.

Arautegi honen gaia diren jarduerak eskola orduetatik kanpo egin beharko dira nahitaez.

Ikasturte hasieran, hastapenetako jarduera guztiei buruzko informazioa bidaliko da batera, jarduera bakoitzaren ezaugarriak eta horietan parte hartzeko arauak azalduta bertan. Halere, kirol mota bakoitzaren berezitasuna kontuan hartuta, ikasturtean zehar zirkularrak bidali ahal izango dira informazio hori gehitzeko.

Inskribatutako ikasleen hezkuntza osoa lortu behar da kirol jardueren bitartez, hau da, aldi berean beren kirol formakuntza osatzeko eta ondo pasatzeko aukera izango dute.

2.1. Jarduera motak:

a) Kirolaren hastapeneko jarduerak. Atal honen barruan, honako jarduera hauek sartzen dira:

A1 Kirol jarduerak nahasian: gorputz hezkuntza, kirol modalitate jakin baten praktika espezifikoa hasi gabe. Motrizitate praktikak eta kirol modalitate jakin bat ikasteko trebetasunak eskuratzea lehentasunezkoa duten jarduerak. Ikasturtean zehar kirol modalitate batean eta bestean hastea.

— Erakundeak: Ikastetxeak

— Kategoriak: Benjaminaurrekoak, benjaminak eta kimuak

— Baldintzak:

- Lurraldeko talde guztiek eskola kiroleko programan izena emanda egon beharko dute.
- Horrelako jarduerak egiten dituzten zentroek proiektua edo programa aurkeztu beharko dute horretarako diseinatutako agirian, zehatz adierazita zein diren adin tarte horretako haurrekin egingo diren jarduerak.
- Jarduera hori bi erataria planifikatu ahal izango da:

A1.1 Kirol jarduerak nahasian A: Asteko saio bakoitzean, bakoitzarentzat prestatutako eduki espezifikoa lantzen dira. Eduki/modalitate bakoitzerako saio kopurua berdina da. Saiok aste barruan baino ez dira egingo, eta asteburuetan ez da lehiaketarik izango. Talde horiek Arabako Lurralde Historikoko tokiko erakundeek antolatutako topaketetan parte hartu ahal izango dute.

A1.2 Kirol jarduerak nahasian B: Kirol modalitate bakarrari eman ahal izango zaio lehentasuna, eta jarduera horren edukiak gainerako jarduerenak baino gehiago landuko dira. Lehentasuneko kirol modalitate horretarako proposatzen diren saioen kopurua ezingo da izan ikastaro guztirako saioen ehuneko 50 baino gehiago. Aukera honetan, topaketak egin ahal izango dira kirol modalitate bera egiten duten beste talde batzuekin. Aukera hau hilean larunbat batean egin ahal izango da. Talde horiek Arabako Lurralde Historikoko tokiko erakundeek antolatutako topaketetan parte hartu ahal izango dute.

– Kirol jarduerak nahasian egiteko taldeak inskribatzen dituzten erakundeek memoria bat aurkeztu beharko dute 2019ko azaroaren 30a baino lehen. Memoria horretan, talde bakoitzaren plangintzari eta gauzatuko dituen edukiei buruzko datu guztiak eskatuko dira. Erakundeek agiria behar bezala beteta aurkezten ez badute, taldeak ez dira baliozkotzat joko.

A2 Kirol bakarreko jarduerak (lehiarik gabe): kirol jarduera bakarra egingo da 2019-2020ko Eskola Kiroleko Kanpainak irauten duen aldi guztian zehar:

- Erakundeak: ikastegiak (IGEak...) eta irabazteko xederik gabeko erakundeak (klubak...)
- Kategoriak: benjaminurrekoak, benjaminak, kimuak, haurrak eta kadeteak.
- Baldintzak:
- Lurraldeko talde guztiak eskola kiroleko programan izena emanda egongo dira.

– Jarduera horiek ez dira lehentasunekoak izango benjamin aurrekoen eta benjaminen kategorietan, erakunde publikoekin lankidetzarik badago.

A3 Prestakuntza ikastaroak: kanpaina honen barruan Kirol Zerbitzuak zenbait hastapen ikastaro eskainiko ditu. Ikastaro horien xede da ikastaroa eskaintzen den modalitatean inskribatuta ez dauden ikasle arabarrek zenbait kirol modalitatekin izan dezatela lehen harremana. Ikastaro horiek Arabako kirol federazioetako langileek emango dituzte, eta haietako bakoitzaren datuak 2019-2020 kanpainan zehar zehaztuko dira.

b) Jolas jarduerak: kirol irakaskuntzako jarduera hauen helburua da trebetasuna lehiak kanpoko ohiko praktikaren bidez hobetzea eta ohiko kirol aztura osasuntsuak lehiak kanpoko kirol praktika moderatuaren bidez lortzea.

B.1 Artzikirol eta mendia.

B.2 Jarduera ludiko eta aisialdikoak (lehiaketarik gabeak), erritmoa eta musika oinarri dutenak, eskola kiroleko 2019-2020 kanpainak irauten duen aldi guztian zehar egitekoak:

- Erakundeak: ikastetxeak (ikasleen gurasoen elkarteak,...)
- Kategoriak: haurrak eta kadeteak.
- Baldintzak:

– Jarduera horiek ikastetxe esparruan egingo dira, salbu eta Kirol Zerbitzuari jakinarazi beharreko salbuespenak badaude.

– Lurraldeko talde guztiek eskola kiroleko programan izena eman beharko dute.

– Erakundeek taldeak inskribatzen badituzte jarduera ludiko eta aisialdiko eta kirol erritmoa eta musika oinarri dutenetan, egingo duten programaren memoria aurkeztu beharko dute 2019ko azaroaren 30a baino lehen. Memoria horretan zehaztu beharko dituzte plangintzari eta talde bakoitzarekin egingo diren edukiei buruzko datu guztiak. Aipatutako dokumentua behar bezala beteta entregatzen ez duten entitateen kasuan, taldeak ez dira balioztatuko.

c) Kirol eta kultur jarduerak: kultur jarduerak dira ondoko gaiekin zerikusia dutenak: kirolen historia eta garapena, mugimendu olinpikoa edo eskola kirolari lotutako beste edozein jarduera.

3.2. Jardueren iraupena:

Eskola kirolaren 2019-2020 kanpainaren barruan, hastapenetako jarduerak, aisialdiko jarduerak, eta kirol zein kultura jarduerak 2019ko irailaren 30etik 2020ko maiatzaren 31ra bitartean egingo dira.

Jarduera hauek gutxienez bost hileko eta gehienez zortzi hileko iraupena izango dute, hastapen ikastaroek izan ezik, kasu bakoitzean finkatuko baita haien iraupena.

2.3. Adinak eta kategoriak

KATEGORIA	JAIOTZA URTEA
Benjaminurrekoak	2013-2012
Benjaminak	2011-2010
Kimuak	2009-2008
Haurrak	2007-2006
Kadeteak	2005-2004

2.4. Taldea:

Talde bakoitzean monitore-entrenatzaile bat egon behar da gutxienez, eta ahal dela ez dira egon behar 25 kirolari baino gehiago.

2.5. Asteko lanaren iraupena:

Kirol hastapenetako jarduera hauetan (hastapenetako ikastaroak eta mendiko jolas jarduerak izan ezik) izena emandako eskola ume bakoitzak astean gutxienez 45 minutuko bi lansai egin beharko ditu kirol modalitate bakoitzean. Halaber, ezin izango dira hiru saio baino gehiago egin astean.

4. - Partaidetza lehiaketak (Arabako Eskola Kiroleko Jokoak)

Partaidetza lehiaketak dira hautaketa eskema soiletik kanpo egiten diren kirol lehiaketak.

Partaidetza lehiaketen asmoa hezkuntzako eta jolaseko da batez ere, partaideen kopuruan inolako mugarik ezarri gabe. Horiek arautuz, bermatu nahi da eskola ume guztiek zenbait kirol ezagut eta egin ditzaten modu ziklikoan.

Jarduera horiek maila hauetako eskola umeentzako dira: benjaminak, kimuak, haurrak eta kadeteak.

4.1. - Helburua

Arabako Eskola Kiroleko jokotzat joko dira Arabako Foru Aldundiaren Euskara, Kultura eta Kirol Sailak erakunde laguntzaileekin lankidetzan antolatuz Arabako Lurralde Historikoan egiten diren eskola lehiaketa ofizial guztiak.

Jokoei ekiteko behar adina parte-hartzaile egon behar da, eta kategorien artean behar bezala banatuta.

Talde edo kirolari nahiko ez badago, inskribatutakoei baimena eman ahal izango zaie inguruko lurralde historikoetako eta autonomia erkidegoetako eskola arteko lehiaketetan parte hartzeko.

4.2. - Parte-hartzaileak

2019-2020ko kanpainan, ondoko ikasleek hartu ahal izango dute parte Arabako eskola kiroleko jokoetan: Eusko Jaurlaritzako Hezkuntza Sailaren onarpenarekin Arabako Lurralde Historikoan derrigorrezko irakaskuntza ofizialeko eskolak ematen dituzten ikastetxeetan 2019-2020 ikasturtean matrikulatutako ikasleak.

Salbuespen gisa, beste lurralde historiko eta/edo autonomia erkidego batzuetatik etorritako talde eta/edo kirolariek parte hartzeko baimena eman ahal izango da.

4.3. - Erakunde parte hartzaileak

a) Ikastetxeak zuzenean inskriba daitezke, eta haiekin lotura duten irabazteko xederik gabeko erakundeek bitartez ere inskriba daitezke (legez eraturik egon behar dira). Ikastetxearen eta erakundearen arteko loturari buruzko agiria aurkeztu behar da.

Taldea sortzeko behar beste kirolari ez duten ikastetxeak hurbileko beste ikastetxe batzuekin elkartu ahal izango dira eskola kiroleko kanpainan parte hartu nahi dutenen eskaerak asetzeko.

b) Irabazteko xederik gabeko erakundeek (kirol taldeak, klubak, elkarteak, kirol fundazioak eta abar) eman ahal izango dute izena, baldin egoitza Arabako Lurralde Historikoan izanik behar bezala eratu badira eta Eusko Jaurlaritzako dagozkien Sailetan behar bezala erregistratuta badaude.

Erakunde horiek, gainera, baimenen eskaera egiteari buruz ezarritako guztia bete beharko dute, Arabako Lurralde Historikoko Eskola Kiroleko 2019-2020 kanpainako programaren IV. eranskineko B idatz zatian ageri den bezala.

4.4. - Lehiaketa baldintza orokorrak

Erakunde laguntzaileek "lehiaketako araudiak" prestatuko dituzte, bai eta "lehiaketa egutegiak" ere; eta horiek guztiak Arabako Foru Aldundiak onartuko ditu.

Kategoria batzuetan eta besteetan parte hartzea deialdiko kirol modalitate bakoitzerako arau espezifikoaren arabera izango da.

Arabako Foru Aldundiak baimena eman dezake jarduera batzuk (txirrindularitza....) egutegi orokorrez kanpoko data eta egutegietan egiteko.

Asteko lanaren iraupena: Inskribatutako eskola ume bakoitzak gutxienez 45 minutuko bi lansaioko egin behar ditu astean kirol modalitate bakoitzean. Lehiaketa saioak ez dira hartuko lan saiotzat.

Ondoko egunak ez dira baliokidun izango:

- 2019ko urriak 12
- 2019ko azaroak 1
- 2019ko abenduak 6,7 eta 8
- 2019ko abenduak 20tik 2020ko urtarrilak 7arte (Gabonak)
- 2020ko otsailak 24 eta 25 (Inauteriak)
- 2020ko apirilak 9tik 19arte (Aste Santua)
- 2020ko apirilak 28 eta maiatzak 1,2 eta 3

Hala ere, kasu berezietan, Euskara, Kultura eta Kirol Sailak baimena eman dezake egun ez-balioudun horietakoren batean lehiaketak sartzeko.

4.4.1. - Benjaminen kategorian parte hartzen duten ikasleak.

Kategoria honetan, 2010 eta 2011. urteetan jaiotako ikasleak sartzen dira.

Jarduera horiek gauzatzeko egutegia egiteko, herriko eta eskualdeko egutegia ere hartuko da kontuan, nahiz eta, lurraldearen errealitateari atxikiz, lehiaketa aldatuak egin ahal izango diren lurralde arloan. Kategoria honen ezaugarri bereziak kontuan harturik, ez da sailkapenik egongo, ez eta finalik ere, eta, beraz, ez da garaikurrik emango.

Kategoria honetako egutegietan, lehiaketa jardunaldien gehieneko kopurua izango da kirol modalitatearen berariazko lehiaketa arautegian ezarritakoa.

Kirol jarduerak egiteko lehenengo egun baliouduna 2019ko urriaren 28 izango da, eta, azkena, 2020ko maiatzaren 24a.

Kategoria honetan ez da beste mailarik egongo, hau da, ez da mutilen, nesken edo bitarrikoen taldeen artean bereizketarik egingo, eta, lehiaketarako multzoak egiterakoan, ez dio axolarik izango nola osatuta dauden taldeok.

4.4.2. - Kimuen kategorian parte hartzen duten ikasleak.

Kategoria honetan, 2008. eta 2009. urteetan jaiotako ikasleak sartzen dira.

Lehiaketa jarduerak izan daitezke tokian tokikoak, eskualdekoak eta lurraldekoak. Hurrengo faseetara (egonez gero) igarotzeko lehiaketa sistema bat antolatuko da, kirol modalitate bakoitzean Arabako txapelduna izendatu ahal izateko.

Kirol jarduerak egiteko lehenengo egun baliouduna 2019ko irailaren 30a izango da, eta, azkena, 2020ko maiatzaren 24a.

Buruz buruko kategoriako lehenengo hiru garaikurrak emango zaizkie, gutxienez, eta taldekako kirol modalitateetako azken faseetako lehenengo biei ere bai, hala mutilen nola nesken kategoriakoei.

4.4.3. - Haurren kategorian parte hartzen duten ikasleak

Kategoria honetan, 2006. eta 2007. urteetan jaiotako ikasleak sartzen dira.

Lehiaketako jarduerak tokian tokikoak, eskualdekoak eta lurraldekoak izan daitezke. Lehiaketa sistema bat antolatuko da hurrengo faseetara igarotzeko sailkapen postuak zehazteko –halako faserik egonez gero–, hartara kirol modalitate bakoitzean Arabako talde txapelduna izendatu ahal izateko eta Euskadiko Eskola Jokoetan (2020ko maiatza-ekaina) Eusko Jaurlaritzak zehaztuko dituen kirol modalitateetan Arabako Lurralde Historikoaren ordezkari gisa parte hartu ahal izateko.

Arabako Lurralde Historikoak Euskadiko Eskola Jokoetan izango duen ordezkariak, beraz, Euskadiko Eskola Jokoetan parte hartzeko arautegian eta baldintzetan ezarritakoaren arabera izango da. Arautegi hori, hala, Eusko Jaurlaritzaren Kirol Zuzendaritzak jokootan integratutako kirol modalitate bakoitzerako ezarritakoa izango da.

Kirol jarduerak egiteko lehenengo egun baliouduna 2019ko irailaren 30a izango da, eta, azkena, 2020ko maiatzaren 24a. Euskadiko eskola jokoetan izango duen ordezkaria erabakitzeko lehiaketetan, lehiaketa 2020ko maiatzaren 17an amaitu beharko da.

Buruz buruko kategoriako lehenengo hiru garaikurrak emango zaizkie gehienez, eta taldekako kirol modalitateetako azken faseetako lehenengo biei ere bai, hala mutilen nola nesken kategoriakoei.

4.4.4. - Kadeteen kategorian parte hartzen duten ikasleak

Kategoria honetan, 2004. eta 2005. urteetan jaiotako ikasleak sartzen dira.

Lehiaketako jarduerak tokian tokikoak, eskualdekoak eta lurraldekoak izan daitezke. Hurrengo faseetara igarotzeko lehiaketa sistema bat antolatuko da -faserik egonez gero-, kirol modalitate bakoitzean Arabako txapelduna izendatu ahal izateko.

Kirol modalitate bakoitzaren berariazko lehiaketa arautegiak ezarriko du zenbat lehiaketa jardunaldi egongo diren gehienez eta gutxienez kategoria honetako egutegietan.

Kirol jarduerak egiteko lehenengo egun baliouduna 2019ko irailaren 30a izango da, eta, azkena, 2020ko maiatzaren 24a.

Buruz buruko kategoriako lehenengo hirurei garaikurrak emango zaizkie gehienez, eta taldekako kirol modalitateetako azken faseetako lehenengo biei ere bai, hala mutilen nola nesken kategoriakoei.

4.5. - 2019-2020ko denboraldiaren hasiera eta amaiera datak

Lehiaketak ezin izango dira hasi 2019ko irailaren 2a baino lehenago, ez eta bukatu 2020ko ekainaren 21a baino geroago.

Hala ere, kasu berezietan, Euskara, Kultura eta Kirol Sailak egun horiek aldatzeko baimena eman dezake.

4.6. - Lehiaketa baldintza orokorrak

4.6.1. Instalazioak eta materiala

Arabako Eskola Kiroleko Jokoetan parte hartu nahi duten talde guztiek kasuan kasuko kirol modalitaterako joko zelai egokia jarri behar dute, bai eta jarduerarako arauzko materiala ere. Ez balego horrelakorik, entitate laguntzaileari jakinaraziko zaio, eta honek bat eskuratuko dio.

Oro har, nork bere joko tresnak eraman behar ditu, hala taldeek nola parte-hartzaileek.

Instalazio eta/edo material berezia eskatzen duten kirol modalitate eta/edo espezialitateetan (atletismoa, igeriketa eta abar), jarduera horiek antolatzen dituen erakunde laguntzailea izango da kudeatzeko ardura izango duena.

4.6.2. - Arbitroak eta epaileak.

Arbitroak "etxean" jokatzen duen taldeak jarri behar ditu; bestela, erakunde laguntzaileak izendatuko ditu.

Arbitraje eta kontrol sistema, berriz, kirol bakoitzeko lehiaketa arautegian ezarriko da. Arautegi hori, bestalde, Euskara, Kultura eta Kirol Sailak onartuko du.

Arbitroek, kirol bakoitzeko arautegia eta arautegia betearazteaz gainera, lan pedagogikoa egin behar dute eskola kiroleko programaren espiritu "ludiko-kirolzalea" lortzeko.

Arbitroek egiaztatu eta ikuskatu behar dute ea kirolariek eskola kiroleko lizentzia banakoa badaukaten, eta lizentzia horrek kirolariaren argazki eguneratua eta guraso baten edo tutorearen sinadura ba ote dauzkan.

4.6.3. - Parte-hartzaileen jantziak.

Arabako Eskola Kiroleko Jokoetako kirol modalitate edo/eta kategoria guztietako lehiaketa-tan, parte-hartzaileek jantzi egokiak eta berdinak eramango dituzte, nahitaez.

Jantzietan propaganda eramatekotan, ezingo da, inolaz ere, alkohol edarien, tabakoaren edo adin horretan komeni ez diren jardueren propaganda soinean eraman, eta begiratuko da drogamenpekotasunen inguruko prebentzio, laguntza eta gizarteratzeari buruzko ekainaren 25eko 18/1998 Legean alkohol edarien eta tabakoaren publizitateari buruz xedatutakoa.

Lehiakideek kolore bereko jantziak badituzte, jardueraren garapenean nahasgarri gerta ez daitezzen, talde "bisitariak" aldatu beharko ditu jantziak; dena den, gutxienez 24 ordu lehenago jakinarazi beharko dute kolore berdintasunaren arazoa. Bestela, etxeko taldeak aldatu beharko ditu jantziak.

4.6.4. - Emaizak jakinaraztea.

Partida edo lehiaketa egin eta hurrengo egun balioduneko 20:00ak baino lehen jakinaraziko zaizkio emaitzak erakunde laguntzaileari, edo bestela, kirol modalitate bakoitzaren arautegian ezarritakoa egingo da.

4.6.5. - Lehiaketako egutegia aldatzea.

Ezinbestean baino ezingo da aldatu lehiaketako egutegia. Hala gertatzen denean, erakunde laguntzaileari eskatu behar zaio idatziz, behar besteko aurretiaz, aurkariaren adostasuna ere frogatuz eta partida edo jokoa zein egunetan, ordutan eta tokitan jokatu den zehaztuz.

Arau horietakoren bat edo haren zatiren bat betetzen ez bada, diziplina arautegian ez-azaltzei buruz ezarritako artikulua aplikatuko dira.

Data aldatzeak dakartzan gastuak (bidaiak, instalazioak eta abar), berriz, aldatzea eskatzen duen taldearen kontura izango dira.

4.6.6. - Lizenziak aurkeztea

Parte hartzen duten talde guztiek aurkeztu behar dute eskola kiroleko 2019-2020 ikasturteko lizentzia partida bakoitza jokatzeko hasi baino lehen, behar bezala izapideturik eta jokalariek guztien argazki berrieekin. Ordezkariek edo entrenatzaileek egiaztatu behar dute fitxa guztiak legezkoak direla eta agertu diren ikasleentzako fitxak direla.

Eskola kiroleko lizenziak guraso baten edo tutorearen sinadura eduki behar du, nahitaez. Eduki ezean, ez da legezkozat joko. Fitxa legezkatu gabe duten jokalariek 2019-2020 kanpainako eskola kiroleko programaren onura guztiak galduko dituzte.

4.6.7. - Lehiaketa egunak.

Taldeko kiroletarako, larunbat goiza izango da ohiko lehiaketa eguna.

Buruz buruko kirolak larunbat goizean edo arratsaldean nahiz igande goizean joki daitezke. Igande arratsaldeetan jokatzeko, Euskara, Kultura eta Kirol Sailaren baimena beharko da.

Hori gorabehera, erakunde laguntzaileek egindako eskaerei erantzunez, eta betiere Euskara, Kultura eta Kirol Sailak idatzizko baimena eman eta gero, lehen adierazitako egunetatik kanpo jokatu ahal izango dira Arabako Eskola Kiroleko Jokoetako lehiaketak.

4.6.8. - Bateriazintasanak

Areto futbola, 7ko futbola eta 11ko futbola modalitate bakarra direla joko da; kirolari batek ezin dezake parte hartu horietako bat baino gehiagotan.

Era berean, eskola kiroleko 2019-2020 kanpainan parte hartzen duten ikasleek, beharrezkoa den eskola lizentzia badaukate, ezingo dute eduki federazioaren lizentziarik kirol modalitate bererako edo antzeko baterako, Euskara, Kultura eta Kirol Sailak aurretik baimena eman ezean.

4.6.9. - Delegatuak

Ekipo edo talde bakoitzak ordezkarik bat izendatu behar du, adin nagusikoa, lehiaketa parte hartzen dutenen jardueraren arduraduna izan dadin. Honek dokumentazioa aurkeztuko du, eta arduratuko da taldeko kideek zuzen joki dezaten.

4.7. - Diziplina arautegia

Eusko Jaurlaritzako Kultura Sailaren Eskola Kirolari buruzko uztailaren 1eko 125/2008 Dekretuko 22. artikuluan ezarritakoaren arabera, kirolaren arloan honako hauek daukate diziplina ezartzeko eskumena, bakoitzak bere esparruaren barruan:

a) Lehen auzialdian, Arabako Eskola kiroleko jokoan antolamendu teknikoa gauzatzeko ardura duen entitate laguntzailearen diziplina batzordeak.

b) Bigarren eta azken auzialdian, Kirol Justiziako Euskal Batzordeak. Batzorde horren ebazpenak administrazio bidea amaituko du, eta errekurtsioa jarri ahal izango da haren aurka, aplikatzekoak diren jurisdikzio araei jarraituz.

Arabako Foru Aldundiko Euskara, Kultura eta Kirol Sailak antolatutako eskola kiroleko programako jardueretan aplikatuko den diziplina araubidea, bestalde, Eusko Jaurlaritzako Hezkuntza, Hizkuntza Politika eta Kultura Sailaren 391/2013 Dekretuak ezarritakoari egokituko zaio (391/2013 Dekretua, uztailaren 23koa, Eskola kiroleko lehiaketan diziplina araubideari buruzkoa).

4.8. – Euskadiko Eskola Jokoetako ordezkariak

Arabako Eskola Jokoetan izena eman eta eskatutako baldintza guztiak bete ondoren, partaidetza ibilbideko lehiaketetan hobekien sailkatuta geratu diren entitateek ordezkariak izango dira Arabako Lurralde Historikoa joko horietan, dagozkien kirol modalitate edo/eta espezialitateetan, deialdian ezartzen diren kategorietan, zenbat-nahi direla ere guztira parte hartzen duten entitateak.

5. - Zein agiri aurkeztu behar diren eta nola

5.1. - Dokumentazioa

Erakundearen eta parte-hartzaileen inskripzioa

Erakundeak eta haietako kideak inskribatu behar dira, eskola kiroleko kanpainako inskripzioari buruzko arautegiari jarraikiz.

Jarduerari edota parte-hartzaileei buruzko datu osagarriak eskatu ahal izango dira.

5.2. - Datuak aldatzea

Eskola kiroleko 2019-2020 kanpainan inskribatutako erakundeek jardueretan gertatzen diren aldaketa guztien eta haien amaieraren berri eman behar dute nahitaez, eta jarduera horietan inskribatutako ikasleen altak eta bajak jakinarazi behar dituzte, gertatuz gero.

Lehiaketa taldeetan, behin lehiaketa hasita dela, ezin izango dira aldatu jokalariek talde batetik bestera.

Foru Aginduaren III. eranskina**Errendimenduaren hastapeneko ibilbidearen barneko antzemate jarduerak, teknika hobetzekoak eta errendimendu lehiaketak erregulatzen dituen arautegia.**

Errendimenduaren hastapeneko ibilbidearen xedea da eskola umeei aukera ematea errendimenduari eta kirol helburuak gainditzeari zuzendutako kirolean hasteko.

1. - Teknika hobetzeko jarduerak

Ibilbide honetan teknika hobetzeko jardueren helburua da errendimenduzko kirola egiteko gaitasuna duten eskola umeen hobekuntza tekniko, taktiko eta fisikoa lortzea. Alde horretatik, uztartu egiten dituzte kirol partaidetzako ibilbidearen jarduerak eta eskola umeak kirol errendimenduan hasteko jarduerak.

Ondorioz, atal honetan bi maila bereizten dira: lehenengo eta behin, kirol modalitate bakoitzean, kirol modalitate horretan jarduteko gaitasun gehien duten eskola umeak hautatzeko prozesuak gauzatu behar dira .

Behin hautaketa eginda, saio tekniko edo entrenamendu espezifikoak egingo dira, parte-hartzaileen adinari egokituta eta euron kirol trebetasunak –alderdi teknikoak, taktikoak, eta fisikoak– hobetzera zuzenduta. Azken honi deritzogu hertsikiago, hain zuzen, kirol teknika hobetzea.

1.1. Parte hartzeko arau orokorrak**0.0.1. Antzematea.**

Antzemateko prozesuak errendimendu jarduerak hasi aurreko urtean edo bi urteetan gauzatu dira.

Antzemate jarduera hauetan hasteko gutxieneko adina, berriz, kimuen mailako lehenbiziko urtea izango da (2009. urtean jaiotakoak)

Federazioetako langile teknikoen ardurak izango da eskola umeek errendimenduzko kirola egiteko dituzten gaitasunak neurtzeko beharrezko diren irizpideak eta frogak ezartzea.

1.1.2. Kirol teknika hobetzea

Modalitate bakoitzerako finkatzen diren antzemate prozeduren bidez hautatzen diren eskola umeentzako da, aurreko puntuan adierazitakoaren arabera.

Kirol teknika hobetzeko jarduera hauekin hasteko gutxieneko adina, berriz, kimuen mailako bigarren urteari dagokiona izango da (2008. urtean jaiotakoak, alegia).

FFederazioetako langileek egin eta finkatuko dituzte jardueren edukiak. Federazioetako egituren bidez garatuko dira.

Jarduerak eskolaz kanpoko ordutegian egingo dira, eta ez dute eraginik izango eskolako gainerako kirol jardueren garapenean. Kontuan hartuko dira horiek finkatzean joan-etorrietarako behar den denbora, eta abar.

0.1. Arau administratiboak

Teknika hobetzeko jardueren ardurak duten federazioek hitzarmenak izenpetuko dituzte Arabako Foru Aldundiarekin. Antzematearen ardurak duten federazioetako langile teknikoek, bestalde, lehiaketa jardueretan parte hartzen duten eskola umeen ikastetxeei jakinaraziko diete zeintzuk hautatu diren teknika hobetzeko jardueretan parte hartzeko.

Parte hartzeko, Arabako Foru Aldundiaren kirol lizentzia eduki behar da.

2. - Errendimenduaren hastapeneko lehiaketa jarduerak

Errendimenduaren hastapeneko lehiaketak dira eskola umei aukera ematen dietenak errendimendua eta kirol helburuak gainditzea xede dituen kirolean hasteko.

Errendimenduaren hastapeneko lehiaketekin hasteko gutxieneko adina, berriz, kimuen mailako bigarren urteari dagokiona izango da. (2008 urtean jaiotakoak)

Edonola ere, gutxieneko adin hori betez betiere, kirol modalitate bakoitzean hasteko adina kasuan kasuko kirol federazioarekin elkar hartuta finkatuko da.

Oro har, modalitate bakoitzean, gehienez ere, jaioturte bakoitzari dagokion populazio guztiaren ehuneko 15ek parte hartuko du.

Modalitate eta maila bakoitzean finkatuko dira, kasuan kasuko kirol federazioarekin bat etorrita, aipatutako lehiaketak egituratzeko oinarrizko irizpideak, zeinak jardueretarako laguntza teknikorako lankidetzaren hitzarmenetan jasoko baitira.

2.1. - Lehiaketa baldintza orokorrak

Erakunde laguntzaileek "lehiaketako araudiak" prestatuko dituzte, bai eta "lehiaketa egutegiak" ere, eta horiek guztiak Arabako Foru Aldundiak onartuko ditu.

Kategoria batean eta bestean parte hartzea deialdiko kirol modalitate bakoitzaren arautegi espezifikoren arabera izango da.

Asteko lanaren iraupena: iinskribatutako eskola ume bakoitzak gutxienez 60 minutuko bi lansaiotzatan egin behar ditu astean kirol modalitate bakoitzean. Lehiaketa saioak ez dira hartuko lansaiotzat.

Ondoko egunak ez dira baliotzat izango:

- 2019ko urriak 12
- 2019ko azaroak 1
- 2019ko abenduak 6,7 eta 8
- 2019ko abenduak 20tik 2020ko urtarrilak 7arte (Gabonak)
- 2020ko otsailak 24 eta 25 (Inauteriak)
- 2020ko apirilak 9tik 19arte (Aste Santua)
- 2020ko apirilak 28 eta maiatzak 1,2 eta 3

Hala ere, kasu berezietan, Euskara, Kultura eta Kirol Sailak egun baliogabe horietan lehiaketak sartzeko baimena eman ahal izango du.

a) Eskola umeek errendimenduaren hastapeneko lehiaketetan parte hartzea, bestalde, modalitate bakoitzerako finkatzen diren baldintzak betetzen dituzten kirol klub eta taldeen bidez bideratuko da.

Kasu hauetan guztietan, berriz, kirol klub eta taldeek taldeetako kideak matrikulatuta dauden ikastetxeei jakinaraziko diete zer harreman duten kide horiek klubarekin edo taldearekin.

b) Lehiaketak itxiak izango dira, hau da, ez da igoerarik edo jaitsierarik izango errendimenduaren hastapeneko lehiaketaren eta modalitatearen partaidetza lehiaketaren artean.

Lehiaketa horietan parte hartzen duten klubek gonbidatuta parte hartuko dute, hau da, Arabako Foru Aldundiak eta modalitatearen lurraldeko kirol federazioak gonbidatuta.

Parte hartzen duten taldeen kopurua aurretik finkatuko dute lurralde federazioak eta Arabako Foru Aldundiak, kontuan izanda mailan sartuta dagoen populazio eskolaratua, modalitateko

kirol lizentzia kopurua eta Arabako Lurralde Historikoan dauden klubuen kopurua. Taldeen banaketa lurraldean ikasleen banaketaren proportzioan izango da.

c) Oro har, lehiaketa horietan parte hartu nahi duten kirol klubek edo elkarteek baldintza hauek bete beharko dituzte:

- Arabako kasuan kasuko kirol federazioko kide izatea.
- Taldeak edukitzea hurrenez hurrengo mailetan.
- Taldearen ardura duten langile teknikoek dagokien kirol titulazioa daukatela egiaztatzea, modalitate bakoitzerako ezarrita dagoena.
- Jarduera eskola kirolari buruzko araudiak xedatutakoari egokitzea.
- Ez egitea antzemate jarduerarik kimuen mailan eta beheragokoetan, salbu programa honetan jasotzen diren teknika hobetzeko jarduerak.

Aipatutako betekizunak betetzen ez dituen klubuen batek eskatzen badu errendimendua hastapeneko lehiaketetan parte hartzea, Arabako Foru Aldundiaren Kirol Zerbitzuak parte hartzeko baimena eman ahal dio, betiere kondizio bereziak agitzen badira eta eskabidean hala arazoitzen badira.

Beste alde batetik, ez badute betetzen eskola kirolari buruzko egungo arautegiak lehiaketa jardueren antolaketari edo parte hartzeari buruz xedatutakoa, errendimendua hastapeneko lehiaketetatik kanpora geratuko dira.

d) Banakako kiroletarako, kasuan kasuko federazioko batzorde teknikoak eta Arabako Foru Aldundiaren Kirol Zerbitzuko zerbitzu teknikoek adostu egingo dituzte errendimendua hastapeneko lehiaketetan jardueretan parte hartzeko irizpideak.

e) Edonola ere, errendimendua hastapeneko lehiaketetan, parte-hartzea murriztua izango da, eskola ume bakoitzaren kirol proiektzioaren irizpideetan eta lehiaketarekiko jarreran oinarrituta.

f) Errendimendua hastapeneko lehiaketetan parte hartzen dutenek adinaren arabera dagokien mailan parte hartuko dute. Kirol heldutasunaren prozesu naturalak gordetzekotan, oro har ez da mailaz aldatzen utziko. Nolanahi ere, arrazoi tekniko, mediko eta hezkuntzakoak direla medio, eta salbuespenez, Arabako Foru Aldundiaren Kirol Zerbitzuak mailaz aldatzeko banan-banako baimenak eman ahalko ditu.

g) Haurren mailatik aurrera, errendimendua hastapeneko lehiaketetan parte hartzen dutenek ezin izango dute aldi berean parte hartu lehiaketa horietan eta kirol mota bereko partaidetza lehiaketetan. Horri dagokionez, futbola eta areto futbola berdinak direla joko da.

h) Behin lehiaketa hasita, ezin izango da jokalarien inskripzioa talde batetik bestera aldatu.

2.2. - 2019-2020ko denboraldiaren hasiera eta amaiera datak

Lehiaketak ezin izango dira hasi 2019ko irailaren 30a baino lehenago, ez eta bukatu 2020ko maiatzaren 24a baino geroago.

Hala ere, kasu berezietan, Euskara, Kultura eta Kirol Sailak baimena eman dezake egun horiek aldatzeko.

2.3. Instalazioak eta materiala

Arabako Eskola Kiroleko Jokoetan parte hartu nahi duten talde guztiek kasuan kasuko kirol modaliterako joko zelai egokia jarri behar dute, bai eta jarduerarako arauzko materiala ere. Ez balego horrelakorik, entitate laguntzaileari jakinaraziko zaio, eta honek joko zelai bat eskuratuko dio.

Oro har, nork bere joko tresnak eraman behar ditu, hala taldeek nola parte-hartzaileek.

Instalazio eta/edo material berezia eskatzen duten kirol modalitate eta/edo espezialitateetan (atletismoa, igeriketa eta abar), jarduera horiek antolatzen dituen erakunde laguntzailea izango da kudeatzeko ardura izango duena.

2.4. - Arbitroak eta epaileak.

Arbitroak "etxean" jokatzeko duen taldeak jarri behar ditu; bestela, erakunde laguntzaileak izendatuko ditu.

Arbitraje eta kontrol sistema, bestalde, kirol bakoitzeko lehiaketa arautegian ezarriko da. Arautegi hori, berriz, Euskara, Kultura eta Kirol Sailak onartuko du.

Arbitroek egiaztatu eta ikuskatu behar dute ea kirolariek ba ote daukaten eskola kiroleko lizentzia banakoa, eta ea lizentzia horrek ba ote dauzkan kirolariaren argazki eguneratua eta guraso baten edo tutorearen sinadura.

2.5. - Parte-hartzaileen jantziak.

Arabako Eskola Kiroleko Jokoetako kirol modalitate edo/eta kategoria guztietako lehiaketetan, parte-hartzaileek jantzi egokiak eta berdinak eramango dituzte, nahitaez.

Jantzietan propaganda eramatekotan, ezingo da soinean eraman, inolaz ere, alkohol edarien, tabakoaren edo adin horretan komeni ez diren jardueren propaganda, eta begiratuko da drogamenpekotasunen inguruko prebentzio, laguntza eta gizarteratzeari buruzko ekainaren 25eko 18/1998 Legean alkohol edarien eta tabakoaren publizitateari buruz xedatutakoa.

Lehiakideek kolore bereko jantziak badituzte, jardueraren garapenean nahasgarri gerta ez daitezke, talde "bisitariak" aldatu beharko ditu jantziak; dena den, gutxienez 24 ordu lehenago jakinarazi beharko diote kolore berdintasunaren arazoa. Bestela, etxeko taldeak aldatu beharko ditu jantziak.

2.6. - Emaitzak jakinaraztea.

Partida edo lehiaketa egin eta hurrengo egun baliouduneko 20:00ak baino lehen jakinaraziko zaizkio emaitzak erakunde laguntzaileari, edo bestela, kirol modalitate bakoitzaren arautegian ezarritakoaren arioz.

2.7. - Lehiaketako egutegia aldatzea.

Ezinbestean baino ezingo da aldatu lehiaketako egutegia. Hala gertatzen denean, erakunde laguntzaileari eskatu behar zaio idatziz, behar besteko aurretiaz, aurkariaren adostasuna ere frogatuz eta partida edo jokoa zein egunetan, ordutan eta tokitan jokatu den zehaztuz.

Arau horietakoren bat betetzen ez bada, diziplina arautegiko ez azaltzei buruzko artikulua aplikatuko dira.

Data aldatzeak dakartzan gastuak (bidaiak, instalazioak eta abar) aldatzea eskatzen duen taldearen kontura izango dira.

2.8. - Lizentziak aurkeztea

Parte hartzen duten talde guztiek aurkeztu behar dute eskola kiroleko 2019-2020 ikasturteko lizentzia partida bakoitza jokatzeko hasi baino lehen, behar bezala izapideturik eta jokalariek guztien argazki berrieekin. Ordezkariek edo entrenatzaileek egiaztatu behar dute fitxa guztiak legezkoak direla eta agertu diren ikasleentzako fitxak direla.

Eskola kiroleko lizentziak guraso baten edo tutorearen sinadura eduki behar du, nahitaez. Sinadura hori falta bada, lizentzia ezin izango da legeztatuko. Fitxa legeztatuko gabe duten jokalariek galdu egingo dituzte 2019-2020 kanpainako eskola kiroleko programaren onura guztiak.

2.9. - Lehiaketa egunak.

Taldekako kiroletarako, larunbat goiza izango da ohiko lehiaketa eguna.

Herri batetik bestera mugitzea eragiten duten taldekako lehiaketetan, 09:30etik 13:00etara bitartean jokatu behar dira partidak.

Buruz buruko kirolak larunbat goizean nahiz arratsaldean eta/edo igande goizean joka daitezke. Igande arratsaldeetan jarduerak egiteko, Euskara, Kultura eta Kirol Sailaren baimena beharko da.

Hori gorabehera, erakunde laguntzaileek eskatutako eskaerei erantzunez, eta betiere Euskara, Kultura eta Kirol Sailak idatzizko baimena eman eta gero, lehen adierazitako egunetatik kanpo jokatu ahal izango dira Arabako Eskola Kiroleko Jokoetako lehiaketak.

2.10. - Bateriaezintasunak

Era berean, eskola kiroleko 2019-2020 kanpainan parte hartzen duten ikasleek, beharrezkoa den eskola lizentzia badaukate, ezingo dute eduki federazioaren lizentziarik kirol modalitate bererako edo antzeko baterako, Euskara, Kultura eta Kirol Sailak aurretik baimena eman ezean.

2.11. - Delegatuak

Ekipo edo talde bakoitzak ordezkari bat izendatu ahal du, adin nagusikoa, lehiari parte hartzen dutenen jardueraren arduraduna izan dadin. Ordezkari horrek dokumentazioa aurkeztuko du, eta begiratu du taldeko kideen jokabidea zuzena dela.

2.12. - Diziiplina arautegia

Eusko Jaurlaritzako Kultura Sailaren Eskola Kirolari buruzko uztailaren 1eko 125/2008 Dekretuko 22. artikuluan ezarritakoaren arabera, kirolaren arloan honako hauek daukate diziiplina ezartzeko eskumena, bakoitzak bere esparruan:

a) Lehen auzialdian, Arabako Eskola kiroleko jokoan antolamendu teknikoa gauzatzeko ardura duen entitate laguntzailearen diziiplina batzordeak.

b) Bigarren eta azken auzialdian, Kirol Justiziako Euskal Batzordeak. Batzorde horren ebazpenak administrazio bidea amaituko du, eta errekurtsioa jarri ahal izango da haren aurka, aplikatzekoak diren jurisdikzio araei jarraituz.

Arabako Foru Aldundiko Euskara, Kultura eta Kirol Sailak antolatutako eskola kiroleko programako jardueretan aplikatuko den diziiplina araubidea Eusko Jaurlaritzako Hezkuntza, Hizkuntza Politika eta Kultura Saileko uztailaren 23ko 391/2013 Dekretuak ezarritakoari lotuko zaio (391/2013 Dekretua, uztailaren 23koa, eskola kiroleko lehiaketen diziiplina araubideari buruzkoa).

2.13. - Euskadiko Eskola Jokoetako ordezkariak, errendimenduaren hastapeneko ibilbidean.

Arabako Eskola Jokoetan errendimenduaren hastapenean izena eman eta eskatutako baldintza guztiak bete ondoren, hobekien sailkatuta geratu diren entitateek ordezkari dute Arabako Lurralde Historikoa joko haietan, deialdian zehazten diren kirol modalitate, espezialitateetan eta kategorietan, zenbat-nahi direla ere guztira parte hartzen duten entitateak.

Foru aginduaren IV. eranskina**Eskola kiroleko 2019-2020 kanpainako inskripzioa, baimenak eta egoera bereziak arautzen dituen arautegia**

Arabako eskola kiroleko kanpainan parte hartu nahi duten erakundeak Arabako Foru Aldundiaren Euskara, Kultura eta Kirol Sailean inskribatu behar dira, agiri hauek aurkeztuta:

A. Inskripzioa**A.1. - Erakundearen inskripzio orria**

Arabako eskola kiroleko 2019-2020 kanpainan izena eman nahi duten erakundeek berariaz prestatutako orria bete eta aurkeztu behar dute. Aurreko kanpainan inskribatuta egon diren erakundeei, Arabako Foru Aldundiaren Kirol Zerbitzuak orri hau bidaliko die beteta, eta erakunde bakoitzak berretsi egin beharko ditu bertan azaltzen diren datuak eta, behar izanez gero, aldatu diren datuak zuzendu.

Inskripzio orri bat bakarrik bidali behar da Arabako Foru Aldundiaren Euskara, Kultura eta Kirol Saileko Kirol Zerbitzura.

Orri horrek, berak bakarrik ez du edukiko inolako baliorik inskripzioa gauzatzeko, gero jarduera bakoitzerako eskatzen diren agiri guztiak aurkeztu ezean.

Inprimaki hau Arabako Foru Aldundiaren Euskara, Kultura eta Kirol Saileko Kirol Zerbitzuak emango du, eta Arabako Foru Aldundiaren Kirol Zerbitzuan aurkeztu behar da.

Lehenengo aldiz inskribatzen diren erakundeek, inskripzio orriarekin batera, IFZren fotokopia eta banku kontuaren titulartasuna frogatzen duen banku agiriaren fotokopia aurkeztu beharko dituzte.

Era berean, hasieran emandako datuetan aldaketarik izanez gero, jakinarazi egin beharko da.

Erakundearen inskripzio orria, beranduenez ere, taldeak parte hartu nahi duen kirol modalitatean (edo kirol modalitateetan) izena emateko azken egunean aurkeztu behar da.

A.2. - Taldeak jardueretan inskribatzea

“Erakundearen inskripzio orria” bete eta Euskara, Kultura eta Kirol Sailean aurkeztu duten erakundeek taldeak inskribatu beharko dituzte www.araba.eus orriaren bidez horretarako egin den aplikazio informatikora sartuta.

Horretarako, erakundearen inskripzio orria izapidetu ondoren, Arabako Foru Aldundiaren Euskara, Kultura eta Kirol Saileko Kirol Zerbitzuak eskola kiroleko web orriaren identifikazioa eta sarbide gakoa emango dizkio erakundeari.

Lehenengoz inskribatzen diren parte-hartzaileek (jokalari, entrenatzaile, ordezkari edo epaileak) alta hartu beharko dute kirolarien fitxategian, kirol talde batean inskribatu aurretik. Hori egiteko, familia liburuaren edo NANaren fotokopia (ezinbestekoa 14 urte betez geroztik) aurkeztu beharko dute.

Kirol Zerbitzuak parte hartzailerari identifikagarria esleitu ondoren, erakundeak dagokion taldean inskribatuko du parte hartzailera, eskola kirola informatika aplikazioaren bidez. Inskribatutakoan, tresna informatiko beraren bidez, agiriatarako argazki bat kargatuko da, eskola lizentzia balioduntzeko.

Eskola Kirolari buruzko Dekretuaren 26. artikuluan ezarritakoa betetzearren (125/2008 Dekretua, uztailaren 1ekoa), erakunde parte-hartzaileek, orobat, “langile teknikoak, epaileak eta arbitroak” inskribatu beharko dituzte, eskola kirolaren 2019-2020 programan sartzeko.

A.3. - Arabako eskola kiroleko kanpainan parte hartzeko lizentziak

Inskripzioa Internet bidez izapidetu eta Euskara, Kultura eta Kirol Sailak balioztatu ondoren, banakako lizentzia prestatuko da.

Jokalari, entrenatzaile edo ordezkariak dagokien lizentzia eduki beharko dute, unean-unean indarrean den eskola kiroleko kanpainan parte hartzeko sinestamendua emango diena. Lizentzia bat emango da parte hartzailea inskribatu den kirol modalitate bakoitzeko.

Kirolariek nahitaez aurkeztu behar dute lizentzia parte hartzen duten lehiaketa ofizial guztietan.

Adingabeko parte-hartzaileen lizentzietan, aitaren, amaren edo tutorearen sinadura agertu behar da. Sinadura horren bitartez, ezagutu eta onartu egiten dira erakundearen eta adingabea inskribatutako jardueraren ezaugarriak eta aseguru estalduraren sistema, eta orobat adierazten da adingabearen osasun egoera kirol horretan aritzeko modukoa dela, erantzukizuna norberaren gain hartuta.

Lizentzian, nahitaez agertu behar da kirolariaren argazkia.

A.4. - Aurkeztutako datuak balioztatzea

Arabako eskola kiroleko 2019-2020 kanpaina dela eta Euskara, Kultura eta Kirol Sailean izapidetutako inskripzio orriak edo formularioak erakunde eskatzaileen ordezkari batek sinatuta egon behar dira.

A.5. - Kirolarien eta taldeen altak eta bajak

2019-2020 kanpainan parte hartzen duten kirolarien altak eta bajak ikasturte osoan zehar egin ahal izango dira, kirol modalitate bakoitzerako adierazitako epearen barruan erregistratu diren taldeen barruan.

B. Eskola kiroleko 2019-2020 kanpainaren barruan irabazteko xederik gabeko erakundeek eskatu behar dituzten baimenak eta kasu bereziak

B.1. - Xedea

Honen bidez arautu nahi da zer gutxieneko baldintza bete behar diren baimenak eskatzeko eta nola jokatu behar den eskola kiroleko 2019-2020 kanpainan gerta litezkeen kasu berezien aurrean.

B.2. – Ikasleak, lehiaketa ofizialean, adinari dagokiona baino maila bat goragoko kategorian parte hartzea eskola kirolean

Adinari dagokiona baino maila bat goragoko kategorian parte hartu ahal izateko, idatzizko eskaera aurkeztu beharko zaio Arabako Foru Aldundiaren Euskara, Kultura eta Kirol Sailari, eta eskakizun hauek bete behar dira:

- a) Norberaren kategoriari dagozkion urteetako azkenekoan jaiotakoa izatea
- b) Taldean aritzeko kirol modalitatea izatea
- c) Beheragoko kategoriako kopurua ez izatea taldean inskribatutako kide guztien ehuneko 50 baino gehiago
- d) Kirol modalitate horretan maila bat beheragoko kategorian ere deialdian sartuta egotea
- e) Adinari dagokiona baino maila bat goragoko kategorian aritzeko baimena edukitzea, aitzak, amak edo tutoreak emana. Baimena emateak berekin ekarriko du kirol horretan aritzearren arriskuen erantzukizuna bereganatzea
- f) Medikuen agiria, kirolaria kirol horretan eta eskatutako kategorian aritzeko gauza dela adierazten duena

Kirol modalitate baten goragoko kategoria batean parte hartzen duen ikasleak ez du galduko bere adinari dagokion kategoria beste kirol modalitate batzuetan aritzeko; hala ere, behin lehiaketa hasi eta gero, ezin izango du parte hartu kirol modalitate horretan bertan bere adinari dagokion kategorian.

Futboleko benjaminak 2. Urtea (2010) eta kimuak 2. Urtea (2008) modalitateetan ezin da lehiaketa horietan parte hartu adinez egokitzen den kategoriaren hurrengoan.

B.3. - Ikasleak, lehiaketa ofizialean, adinari dagokiona baino maila bat beheragoko kategorian parte hartzea eskola kirolean.

Adinari dagokiona baino maila bat beheragoko kategorian lehiatzeko, idatzizko eskaera aurkeztu behar zaio Arabako Foru Aldundiaren Euskara, Kultura eta Kirol Sailari, eta baldintza hauek bete behar dira:

- a) Azalpen laburra: zergatik behar diren goragoko kategoriako kirolariak.
- b) Parte hartu nahi den kategoriari dagokion urtearen aurrekoan jaioa izatea.
- c) Taldean aritzeko kirol modalitatea izatea.
- d) Honako baldintza hauek betetzeko konpromisoa hartzea idatziz:

1. Baimendutako jokalariek ez dutela emango jokoan partidaren guztirako iraupena baino ehuneko 50 gehiago.

2. Halaber, goragoko kategoriako jokalaria bati baino gehiagori ematen bazaie talde berean jokatzeko baimena, ez dutela batera jokatu.

Eskaera aztertu ondoren, Euskara, Kultura eta Kirol Sailak idatziz ebatziko du aldaketa baimentzea edo ukatzea.

Futboleko benjaminak 2. Urtea (2010) eta kimuak 2. Urtea (2008) modalitateetan ezin da lehiaketa horietan parte hartu adinez egokitzen den kategoriaren aurrekoan.

B.4. - Ikasleak matrikulatuta dagoen kirol zentroaz besteko kirol erakunde bateko taldean aritzea eta erakunde biek ikaslearen izena eman nahi izatea.

14/1998 Legeak, Euskadiko kirolarenak, eta Eusko Jaurlaritzako Kultura Sailaren uztailaren 1eko 125/2008 Dekretuak, eskola kirolarenak, xedatutakoaren arabera, eskola adineko kirola funtsean ikastetxeen bidez egituratzen da, betiere kirol klub eta elkarteek eta gurasoen elkarteek aktiboki lagunduta.

Baldin eta kirol erakunde batek kirolari bat modalitate eta kategoria jakin batean inskribatu nahi badu, eta kirolari horren ikastetxeak modalitate eta kategoria berean inskribatu nahi badu, ikastetxeak izango du lehentasuna kirolaria inskribatzeko. Halako kasuetan, kirolaria bere ikastetxea ez den kirol erakunderen batekoa izango bada, kirol erakunde horrek ikastetxeari kasuan kasuko baimena eskatu beharko dio eta Arabako Foru Aldundiko Kirol Zerbitzuan aurkeztu beharko du.

B.5. - Kirol jarduerak kontzentrazio araubidean egiten dituzten kirol erakundeek parte hartzea.

Kontuan izanik Arabako biztanleria sakabanaturik dagoela eta ikastetxe batzuetan oso matrikula gutxi egiten dela, Euskara, Kultura eta Kirol Sailak, egoeraren bereziagatik hala komeni bada, baimena eman dezake hainbat ikastetxetako kirolariek osatutako taldeek parte hartzeko. Eskabidea Arabako Foru Aldundiaren Euskara, Kultura eta Kirol Sailari aurkeztu behar zaio, eta, bertan taldea hala eratzeko gertatzen diren inguruabarrak azaldu. Kasu honetan, ikastetxetzat hartuko dira.

B.6. - Federazio lizentzien izapidetzearen eskaera.

Eusko Jaurlaritzako Kultura Sailaren Eskola Kirolari buruzko uztailaren 1eko 125/2008 Dekretuan ezarritakoaren arabera, lurralde historikoetako organo eskudunek prestatu behar dituzte

eskola kiroleko programak ikasturte bakoitzerako. Gainera, foru organo horiek, aparteko kasuetan, baimena eman dezakete programaz kanpoko kirol txapelketak antolatzeke eta behe kategorietako federazio lizentziak izapidetzeko.

B.6.1. - Arabako kirol federazioek ezin diete federazio lizentziarik izapidetu eta/edo eman 2005az gero (urte hori barne) jaiotako eskola umeei, non eta, eskabidea aurkeztu ondoren, Arabako Foru Aldundiaren Euskara, Kultura eta Kirol Zuzendaritzak ez duten berariazko baimenik lortzen.

B.6.2. - Federazio lizentziak izapidetzeko eskumena Arabako dagokion federazioei edo federatu beharreko eskola umeak inskribatuta dauden irabazteko xederik gabeko elkarteei dagokie.

B.6.3. - Baimen eskabidearekin batera ondoko agiri hauek aurkeztu behar dira:

- Arabako Foru Aldundiaren Kirol Zerbitzuak emandako inprimaki normalizatua.
- Federatuko diren kirolarien zerrenda (izena, deiturak eta jaioteguna).
- Federazio lizentziak izapidetzea komenigarria dela frogatzen duten bestelako agiri batzuk.

B.6.4. Arabako Foru Aldundiaren Euskara, Kultura eta Kirol Sailak irizpide hauek aplikatuko ditu baimenak emateko:

– Zer eragozpen dagoen eskola kiroleko lehiaketa bat Arabako Lurralde Historikoan edo beste lurralde historiko batzuetan egiteko.

– Kirolariaren kirol proiektzioa.

– Aplikatu beharreko arautegiaren arabera eskola kirola gidatzen duten printzipioekin bat datorren parte-hartzea bultzatzea: Euskadiko Kirolari buruzko Legea (14/1998 Legea); 125/2008 Dekretua, Arabako Lurralde Historikoko eskola kirolari eta eskola kiroleko programei buruzkoa.

– -Ea bateragarriak ote diren Arabako Lurralde Historikoko eskola kiroleko lehiaketak eta goi mailako lehiaketetan parte hartzea.

– Eskolako Kirolaren Euskal Batzordean hartutako erabakiak.

B.6.5. - Federazio lizentziek indarrean den uneko kirol denboraldirako balioko dute.

B.6.6. - Eskaera, berriz, eredu normalizatuaren arabera egin beharko da, atal guztiak behar bezala beteta.

B.6.7. - Arabako Foru Aldundiaren Erregistro Orokorrean (Probintzia plaza, 5. Gasteiz), aldundiaren beste erregistro batzuetan eta hitzartutako udaletako erregistro orokorretan aurkeztu ahal izango dira eskaerak; edonola ere, Herri Administrazioen Araubide Juridiko eta Administrazio Prozedura Erkidearen Legeak (30/1992 Legea, azaroaren 26koa, beste honek aldatua: 4/1999 Legea, urtarrilaren 13koa) 38.4 artikuluan ezarritako bideak ere erabili ahal izango dira. Halaber, eskaera horiek Arabako Foru Aldundiaren egoitza elektronikoaren bidez izapidetu ahalko dira.

B.6.8. - Behin federazio lizentzia izapidetzeko baimena eman ondoren, kirolariei baja emango zaie eskola kiroleko 2019-2020 kanpainan, baimen horren xede den kirol modalitatean.

B.6.9. - Kontuan izanda zein den zenbait kirol modalitatearen benetako egoera, Euskara, Kultura eta Kirol Saileko Kirol Zerbitzuak, salbuespenez, baimena eman ahalko du aldi berean eskola lizentzia eta federazio lizentzia izateko

C. Konfidentzialtasuna

Europako Parlamentuaren eta Kontseiluaren apirilaren 27ko 2016/679 (EB) Arautegia (DBEO), datuen babesarena, betez, Arabako Foru Aldundiak bermatzen du zure erakundeak emandako datuak konfidentzialak izango direla, eta ez direla jakinaraziko legez gaitutako kasuetatik kanpo. Halaber, segurtasun neurri jakinak ezartzen dira (DBEOren 24. art.), urtarrilaren 8ko 3/2010 Errege Dekretuarekin bat etorritik identifikaturiko balizko arriskuen aurrean. Errege dekretu horren bidez, administrazio elektronikoaren esparruan Segurtasun Eskema Nazionala arautzen da. (II. eranskina).

Foru aginduaren V. eranskina**Eskola kirolaren 2019-2020 kanpainaren barruan erakunde laguntzaileek parte hartzeari buruzko arautegia.****1. - Xedea.**

Estaldua tekniko eman behar zaio 2019-2020 kanpainan Eskola kiroleko programaren barruan egingo diren jardueren garapeneri. Horregatik, laguntzaile arituko dira irabazteko xederik gabeko entitate batzuk, jarduera horien alderdi askotan esperientzia egiaztatua dutenak (kirol antolaketa, antolaketa tekniko, formakuntzaren antolaketa eta hainbat esparrutakoa).

Horretarako, Arabako Foru Aldundiaren Euskara, Kultura eta Kirol Sailak, erakunde laguntzaileekin batean, kirol modalitate guztien lehiaketa arautegiak egingo ditu.

Jardueretarako laguntza tekniko haxe da: jardueraren alderdi teknikoen jarraipenean, koordinazioan eta zuzenketan aritzea.

Lehiaketa jardueretarako laguntza teknikoak edo kontrol teknikoak honako hauek bilduko ditu: egutegiak eta jardunaldiak prestatzea, epaileak izendatu eta kontrolatzea, aktak biltzea, egutegiak eta sailkapenak prestatu eta banatzea, eta lehiaketa batzordearen bitartez kirol diziplinako araubidea aplikatzea.

Gainerako jardueretan, laguntza teknikoak honako hauek bilduko ditu: irakaskuntzarako, baliok antzemateko, teknika hobetzeko eta abarretarako programak diseinatu, egin eta gauzatzea.

2. - Onuradunak.

Arabako kirol federazioak, edo ezin bada, Arabako Foru Aldundiko organo eskudunek izendatutako klubak izango dira onuradun.

3. - Parte hartzeko baldintzak**3.1. Arabako Eskola Jokoa**

Erakunde laguntzaileak hitzeman beharko du beteko duela eta betearaziko duela, bere eskumenen esparruan, kirol federazioen edo bestelako kirol erakunde batzuen eraketa eta funtzionamendua arautzen duen indarreko legeriak xedatzen duena.

Era berean, honekin zerikusia duten kirol federazioek hitza eman beharko dute ez dutela emango ez izapidetuko benjamin, kimu edo haurren kategorietarako lizentziarik, ez emango 2019-2020 kanpainako eskola kiroleko programan sartuta ez dauden jarduerak antolatzeke edo horrelakoetan parte hartzeko baimenik, babesik ez homologaziorik, Arabako Foru Aldundiaren Euskara, Kultura eta Kirol Sailaren idatzizko berariazko baimenik gabe.

Lankidetzaz zein kirol modalitaterako hitzartu den, erakunde laguntzailea kirol modalitate horren garapen teknikoaren arduraduna izango da. Euskara, Kultura eta Kirol Sailaren idatzizko baimena izango du horretarako.

Erakunde laguntzaileak bere gain hartzen du:

a) Hitzartutako kirol modalitateko laguntza teknikoaren arduraduna izendatzea; arduradun horrek jarduera guztien koordinazioa hartuko du bere gain, eta bera izango da Arabako Foru Aldundiaren Euskara, Kultura eta Kirol Sailarekiko harremanetarako ordezkari iraunkorra.

b) Lehiaketako egutegiak egitea, arautegi honetako benjaminen, kimuen, haurren eta kade-teen kategoriei buruzko idatz zatietan adierazitakoari jarraituz. Egutegiak, bestalde, lehiaketa hasi baino lehen onartu behar dira.

Taldekako kiroletarako, larunbat goiza izango da ohiko lehiaketa eguna.

Buruz buruko kirolak larunbat goizean nahiz arratsaldean edo igande goizean joka daitezke. Igande arratsaldeetan jarduerak egiteko, Euskara, Kultura eta Kirol Sailaren baimena beharko da.

Aurrekoa gorabehera, erakunde laguntzaileek eskatuz gero, Euskara, Kultura eta Kirol Sailak baimendu ahalko du eskola kiroleko lehiaketak beste egun batzuetan egin ahal izatea.

c) Lehiaketaren aldietako bakoitzean, lehiaketetako agiriak jasotzea eta sailkapenak egitea, bai eta parte-hartzaileei behar duten informazioa ematea ere.

Lehiaketak ezinbestekoa denean baino ezingo dira aldatu, eta horrelakoetan, kirol modalitate bakoitzaren berriazko arautegian adierazitakoa aplikatuko da.

d) Lehiaketa gainbegiratzea eta gertatzen diren gorabeherak Euskara, Kultura eta Kirol Sailari jakinaraztea.

e) Irabazteko xederik gabeko erakundeekin lankidetzan antolatzea lehiaketa jarduerak, hori dela-eta bete beharreko baldintza zehatzen arabera.

f) Lehiaketak egiteko behar diren epaileak eta arbitroak izendatzea. Prestakuntzarako bi-deak ezartzen ahaleginduko da erakunde laguntzailea, Arabako Eskola Kiroleko Jokoetan parte hartzen duten ikastetxeetako eta irabazteko xederik gabeko erakundeetako kideen artean epaile-arbitroak izendatu ahal izateko.

Epaile-arbitro horiek zainduko dute berek zuzendu beharreko kirol partidetan parte hartuko duten guztiek 2019-2020 ikasturteko lizentzia erakuts dezaten partida bakoitza hasi aurretik.

g) instalazio eta/edo material berezia eskatzen duten jardueretan (atletismoa, igeriketa, eta abar), jarduera horiek antolatzen dituen erakunde laguntzaileak izango du instalazioa eta/edo material berezia kudeatzeko ardura.

h) Erakunde laguntzaileak Euskara, Kultura eta Kirol Sailarekin elkarlanean jardungo du joan-etorriekin loturiko guztian, nahiz eta ikasturte honetan garraioa eskatzeko ardura zuzen-zuzenean erakunde parte-hartzaileena izan, horretarako diseinatutako aplikazio informatikoaren bitartez.

i) Erakunde laguntzaileak laguntzen duen kirol modalitate bererako Arabako Eskola Kiroleko Jokoez kanpo antolatzen diren proba, lehiaketa eta jarduera guztietan, Euskara, Kultura eta Kirol Sailarekin batean jardutea, eta horiek direla eta, bere eskumenekoak diren arloetan egoki diren neurriak ezartzea, jarduera horiek eskola kirolaren eduki eta helburuekin bat etor daitezten.

j) Entitate laguntzaileak lehen auzialdiko diziiplina eginkizuna beteko du, Eskola Kirolerako berriaz eraturako "Lehiaketa Batzordea" dela bide.

Zigor proposamena Arabako Foru Aldundiaren Euskara, Kultura eta Kirol Sailari jakinaraziko zaio, eta ez da irmoa izango sail horrek berretsi arte.

k) Eskola Kirolari buruzko uztailaren 1eko 125/2008 Dekretuko 26. artikuluan ("Aseguruak") ezarritakoarekin bat etorri, erakunde laguntzaileek "teknikariak eta epaileak" inskribatu behar dituzte, eskola kiroleko 2019-2020 kanpainako programan sartzeko.

3.2. - Eskola kiroleko 2019-2020 kanpaina: eskola kirolaren teknika hobetzeko jarduerak.

Erakunde laguntzaileek eskola kiroleko 2019-2020 kanpainan inskribatutako kirolarien teknika hobetzeko jarduerak egin ahal izango dituzte.

Jarduera horien finantzaketa lankidetzaz hitzarmenetan zehaztuko da.

3.3. - Eskola kiroleko 2019-2020 kanpaina: eskola kirolarientzako hasiera ikastaroak.

Erakunde laguntzaileen ardura izango da hastapen ikastaroak antolatzea ikasturte jakin bati dagokion kirol modalitatean inskribatu ez diren ikasleentzako. Euskara, Kultura eta Kirol Sailari Kirol Zerbitzuak eta erakunde laguntzaileek hitzartuko dituzte ikastaro horiek. Eskolan eta ikasleentzako artean ezagutuak eta zabalduak izateko beharrezkoak diren kirol modalitateetarako dira.

Jarduera horien finantzaketa lankidetzaz hitzarmenetan zehaztuko da.

4. - Kategoriak

Orokorrean, jarduerok eskola kiroleko 2019-2020 kanpainako arautegiaren I. eranskineko 3. puntuan zehaztutako kategoriei egokituko zaizkie.

5. - 2019-2020 denboraldiaren hasiera eta amaiera

Orokorrean, jarduera hauek eskola kiroleko 2019-2020 kanpainako arautegiaren II. eranskineko 4.4 puntuan zehaztutako egunetan gauzatzeko moldatuko dira. Hala ere, kasu berezietan, Euskara, Kultura eta Kirol Sailak egun horiek aldatzeko baimena eman dezake.

6. - Lankidetzak hitzarmenak erakunde laguntzaileekin

Eusko Jaurlaritzako Kultura Sailaren eskola kirolari buruzko uztailaren 1eko 125/2008 Dekretuaren 15.5 artikuluari jarraituz, erakunde laguntzaileekin egingo den lankidetzak hitzarmenean jasoko dira xedapen horiek guztiak; hitzarmen hori federazio bakoitzaren jarduerak hasi baino lehen izenpetu beharko da, eta, gutxienez, honako eduki hau eduki beharko du:

- Elkarri informazioa emateko eta elkarrekiko koordinaziorako hitzarmena.
- Entitate laguntzaileek laguntza teknikoak ematerakoan beteko dituzten eginkizunak garatzea.
- Garatu beharreko kirol programak.
- Arabako Foru Aldundiak lankidetzak horren ordainetan egin beharreko ekarpenen zenbatekoak.

7. - Aurkeztu beharreko agiriak

Erakunde interesdunak adierazi behar du Arabako Eskola Kiroleko Jokoetan, kirol teknika hobetzeko jardueretan eta hastapen unitateetan lankidetzan aritzeko asmoa, 2019-2020 kanpainaren plangintza proiektu labur baten bidez, eta proiektu horretan azaldu behar du zer jarduera gauzatu diren eta zein aurrekontu duen bakoitzak.

Gainera, informazio ere eman dezake, beharrezkoa den guztia, eskola kiroleko programa behar bezala egiteko interesa badu.

Parte-hartzaileen jarduerari buruzko bestelako datu osagarri batzuk eskatu ahal izango dira.

Beharrezkotzat jotzen bada proiekturen batean materiala erostea, aurrekontu zehatza ere aurkeztu beharko da, enpresa hornitzaileak edo etxe komertzialak behar bezala konpliturik.

Eskabideek ez badituzte betetzen adierazitako baldintzak, Euskara, Kultura eta Kirol Sailak interesdunei hamar egun emango die akatsak zuzentzeko edo behar diren agiriak aurkezteko; eskatutakoa bete ezean, eskabidea artxibatu egingo da, eta interesdunak bertan behera utzi duela ulertu beharko da.

8. Konfidentzialtasuna

Europako Parlamentuaren eta Kontseiluaren apirilaren 27ko 2016/679 (EB) Arautegia (DBEO), datuen babesarena, betez, Arabako Foru Aldundiak bermatzen du zure erakundeak emandako datuak konfidentzialak izango direla, eta ez direla jakinaraziko lege gaitutako kasuetatik kanpo. Halaber, segurtasun neurri jakinak ezartzen dira (DBEOren 24. art.), urtarrilaren 8ko 3/2010 Errege Dekretuarekin bat etorritik identifikaturiko balizko arriskuen aurrean. Errege dekretu horren bidez, administrazio elektronikoaren esparruan Segurtasun Eskema Nazionala arautzen da. (II. eranskina).

Foru Aginduaren VI. eranskina**Eskola kiroleko 2019-2020 kanpaina: irabazteko xederik gabeko erakundeen joan-etorriei buruzko arautegia.**

Hemen arautzen da nola egin behar dituzten garraioa eskatzeko eskabideak eskola kirolaren 2019-2020 kanpainarako izena emanda dauden irabazteko xederik gabeko erakundeek, joan-etorriak egin behar dituztenean lurralde horretan zehar egoitza Arabako Lurralde Historikoan izanik.

1. Arabako eskola kiroleko partidetarako joan-etorriak.

Arabako eskolako kiroleko jokoen barruko jarduerak dira Arabako Foru Aldundiko Euskara, Kultura eta Kirol Sailak antolatutako eskola lehiaketa ofizialak.

Garraioidea nolakoa den kontuan hartuta, arau hauek aplikatuko dira:

1.1. Euskara, Kultura eta Kirol Sailak jartzen dituen garraioideak.

Bidaia-erien kopuruak autobusa kontratatzeke egokiera ematen badu, garraioide hau jarriko da interesdunen esku, horretarako ezarritako aurrekontu mugen barruan.

Talde guztiek, zerbitzu hau erabili ahal izateko, apirilaren 27ko 443/2001 Errege Dekretuan xedatutakoa betetzen duen arduradun bat izan behar dute, dekretu horretan eskola garraioaren eta adingabekoen garraioaren segurtasunerako baldintzak ezarri baitira. Batez ere, arduradun horrek baldintza hauek bete behar ditu:

- 2019-2020 kanpainako eskola kirolerako lizentzia edukitzea.
- Adinez nagusi izatea.

Ezingo da erabili Euskara, Kultura eta Kirol Sailak ezarritako autobus zerbitzu hori lehen aipatutako arduraduna autobusean joan ezean.

1.1.1. Eskabidea.

Interesa duten erakundeek Eskola Kiroleko aplikazio informatikoaren bitartez (taldeen eta kirolarien inskripzioak egiteko erabiltzen den aplikazio berbera) egin beharko dute eskabidea, talde bakoitzak bana, lehiaketa egunaren aurreko asteazkeneko 08:00ak baino lehenago, garraioide honen erabilera eskatuz. Erakunde bakoitzak, hala, aplikazio horren bitartez eskatzen diren datuak eman beharko ditu eta egiaztatu behar da berresten dela egindako eskaerari buruzko guztia (irteera ordua, tokia, norakoa...), eranskin honen 1.1.4. puntuan adierazten denaren arabera.

1.1.2. Garraioidea eskatu eta gero ez erabiltzea

Behin garraiorako aste bakoitzeko diru kopuruak argitaratu ondoren, salbuespenez eta modu arrazoituz baino ez dira onartuko aldaketak eta baliogabetzeak.

Erakunde batek, joan-etorrietarako autobusa eskatu eta gero, erabakitzen badu, aldez aurretik jakinarazi gabe edo behar besteko epean jakinarazi gabe, ez duela erabiliko kontrataturiko autobusa, edo ezin badu erabili gorago aipatutako laguntzaile hori ez edukitzeagatik, 2019-2020 denboraldian ez zaio berriz garraio biderik emango.

1.1.3. Programatutako jarduera zehatz baterako eskatutako garraioidea erabiltzea, jarduera programatu hori gauzatu gabe.

Erakunde batek, aurretik jakinarazi gabe, programatutako jarduera bat ezin gauzatzea eragiten badu, eta talde bisitariak, jarduera horretan, eskatutako garraioidea erabili badu, antolatzailerik garraio biderik gabe utz dezakete 2019-2020 denboraldi osorako.

1.1.4. Eskatutako garraiobideei buruzko informazioa non egongo den.

Arabako Foru Aldundiaren Euskara, Kultura eta Kirol Sailak eskaera guztiak jaso ondoren, autobusak esleituko dizkie taldeei. Berretsitako esleipenak posta elektronikoz bidaliko zaizkie bai erakunde bakoitzari bai kasuan kasuko federazioari. Halaber, erakunde bakoitzak informazio hori kontsultatu ahal du aplikazio informatikoan.

1.2. Arabako Foru Aldundiak jartzen ez dituen garraiobideak

Arabako Kirol Jokoetan parte hartzen duen erakunde batek garraio zerbitzua eskatu eta, bai joan-etorria edo ibilbidea egin behar duten bidaiarien kopuruarengatik, bai ordutegien bate-raezintasunarengatik edo bestelako arrazoiengatik, ezezkoa erantzuten bazaio, beste garraiobide kolektibo batean edo ibilgailu partikularretan egin ahal izango du joan-etorria.

2. Arabako eskola kiroleko jokoetan parte hartzen duten ekipo edo taldeen kirol hastapeneko jarduerak, hastapeneko ikastaroak, teknika hobetzeko jarduerak eta entrenamenduek eragiten dituzten joan-etorriak.

Bidaiarien kopuruak autobusa kontratatzeke egokiera ematen badu, garraiobide hau jarriko da interesdunen esku, horretarako ezarritako aurrekontu mugen barruan.

Entitate batek, 2019-2020 kanpainako eskola kiroleko programaren barruko edozein jarduera garatzeko –eskola kiroleko jokoetan parte hartzen duten ekipo edo taldeen entrenamenduek barne– joan-etorriak egin behar baditu inguruko hainbat herritako ikasleekin, Arabako Foru Aldundiaren Kirol Zerbitzuak ematen duen inprimakia behar bezala beteta egin beharko du eskaera.

2.1. Eskabideak aurkezteko epeak

Eskabide bat bakarrik aurkeztu behar da ikasturte osorako.

Bertan, datu hauek azaldu behar dira: ibilbidea, geldialdia egin beharreko herriak, herri bakoitzean jaso edota utzi beharreko haurren kopurua, eskaera behar bezala kudeatzeko behar diren datu guztiak.

Kirol Zerbitzuak ez ditu bere gain hartuko eskatu gabeko eta berak kudeatu gabeko zerbitzuek eragiten dituzten fakturak.

2.2. Garraiobidea eskatu eta gero ez erabiltzea

Erakunde batek, joan-etorrietarako autobusa eskatu eta gero, erabakitzen badu, aldez aurretik jakinarazi gabe edo behar besteko epean jakinarazi gabe, ez duela erabiliko kontraturiko autobusa, edo ezin badu erabili gorago aipatutako laguntzaile hori ez edukitzeagatik, 2019-2020 denboraldian ez zaio berriz garraiobiderik emango.

3. Programaz kanpoko joan-etorriak.

Ondoko joan-etorri hauek EZ dira izapidetuko:

- a) Herri baten barruan egiten direnak.
- b) 7 km baino gutxiagora dauden herrien artean egiten direnak.

c) Arabako Lurralde Historikotik kanpo kokatutako erakundeek egiten dituztenak, Arabako Foru Aldundiaren Euskara, Kultura eta Kirol Sailaren baimena badute ere 2019-2020ko eskola kiroleko kanpainan parte hartzeko.

Foru Aginduaren VII. eranskina**Prozedura arautzea Arabako Lurralde Historikoko irabazteko xederik gabeko erakundeei baimena emateko 2019-2020 kanpainan eskola kirolaren programaren barruan ez dauden kirol jarduerak antolatzeako eta eskola adineko kirolariek horietan parte hartzeako.**

Eskola kiroleko urteroko egitasmoak landu, onartu eta gauzatzea Arabako Foru Aldundiari dagokio, halaxe xedatzen baitu Euskal Autonomia Erkidegoko Kirolari buruzko ekainak 11ko 14/1998 Legeak.

Eusko Jaurlaritzaren uztailaren 1eko 125/2008 Dekretuak, eskola kirolari buruzkoak, 11.2 artikuluan xedatzen duenez, lurralde historikoetako organo eskudunek baimena eman ahal izango dute, salbuespenez, eskolako kirolaren programetan jasotzen ez den kirol lehiaketak antolatzeako eta horietan parte hartzeako.

Era berean, aipatutako dekretuaren 11.3 artikulua xedatzen duenez, foru organoek eskola kirolaren jardueren urteko programetan jaso gabeko jarduerak baimentzeko prozedurak arautu behar izango dituzte.

1. - Xedea

Foru Agindu honen helburua da 2019-2020 Eskola Kanpainaren barruan sartzen ez diren eskola kiroleko jarduerak antolatzeako eta haietan parte hartzeako baimenak emateko prozedura arautzea.

2. - Eskaerak

Esandako kirol lehiaketak antolatzeako eta haietan parte hartzeako baimen eskaerak Arabako Foru Aldundiko Kirol Zerbitzuan aurkeztu beharko dira, edo bestela, Arabako Foru Aldundia-
ren egoitza elektronikoaren bidez, jarduera horiek hasi baino hilabete bat lehenago behintzat, aurrerapen txikiagoarekin aurkezteko salbuespenezko arrazoirik ez badago.

3. - Dokumentazioa

Baimen horiek eskuratu nahi dutenek agiri hauek aurkeztu beharko dituzte:

- a) Baimen eskaera, behar bezala bete, Kirol Zerbitzuak emandako ereduaren arabera.
- b) Baimena emateko arrazoiak eta, bereziki, ekintzak Euskadiko Kirolari buruzko 14/1998 Legean, Eusko Jaurlaritzako Kultura Sailaren Eskola Kirolari buruzko uztailaren 1eko 125/2008 Dekretuan eta eskola kiroleko 2019-2020 ikasturteko ekintza programan jasotako printzipioetara egokitzen diren ala ez egiaztatzeako agiria.
- c) Lehiaketetan parte hartuko duten eskola umeen zerrenda eta egitekoa den jardueraren ezaugarriak (lekua, egunak, ordutegia, iraupena, medikuen kontrola, osasun laguntzarako ase-guruak eta abar).

d) Antolatzaileen erantzukizun zibileko aseguruaren poliza.

e) Beste datu jakingarri batzuk.

4. - Erabakia

Euskara, Kultura eta Kirol Saileko diputatuari dagokio 2019-2020 ikasturteko programaren barruan sartzen ez diren kirol lehiaketak antolatzeako eta horietan parte hartzeako baimenen berri izatea eta haiei buruzko ebazpenak ematea.

Eskabideak ez baditu betetzen araudi honetako 3. artikuluan adierazten diren baldintzak, edo eskabidearen punturen bat argitu edo justifikatu behar bada, eskabidea aurkeztu duenari eskatuko zaio 10 eguneko epean akatsa konpontzeako edo eskatutako agiriak edo argibideak aurkezteko. Era berean, jakinaraziko zaio hala egiten ez badu, eskaerari uko egin diola ulertuko dela, eta eskaera artxibatu egingo dela, kasuan kasuko ebazpena eman ondoren.

Baimen eskaerak eskatzaileak parte hartu nahi duen jarduera egin baino 5 egun lehenago ebatziko dira beranduen jota.

Esandako epean ebazpenik eman ezean, ulertuko da eskaerari ezezkoa eman zaiola, nahiz eta ondoren idatzizko ebazpena emango den.

Ebazpen honen aurka berraztertze errekurtsoa aurkeztu ahal izango zaio ebazpena eman duen organoari, jakinarazpena jaso ondorengo hilabeteko epean. Bestela, zuzenean administrazioarekiko auzi errekurtsoa aurkez daiteke dagokion epaitegian edo auzitegian, jakinarazpena jaso ondorengo bi hilabeteko epean.

5. - Baimenak

Baimenak emateko, hainbat baldintza betetzeko eskatu ahal izango zaie eskatzaileei.

Baimena emateko ebazpenean jasotako baldintzak betetzen ez badira, diru-laguntza itzultzea eskatu ahal izango da.

6. - Arauak haustea

Euskara, Kultura eta Kirol Zuzendaritzak jakiten badu onartutako programetan sartuta ez dauden eskola kiroleko lehiaketak egiten ari direla baimenik gabe, erabakiko du jarduera horiek bertan behera utz daitezela berehala.

Artean lehiaketarik egin ez bada, Euskara, Kultura eta Kirol Zuzendaritzak lehiaketen gaineko informazioa eskatu ahal izango du eta, bidezkoa baderitzo, debekatu egingo ditu jarduerok.

7. Eskola adinean diren kirolarientzako kirol jarduera batzuk eskola kiroleko 2019-2020 kanpaina sartu gabe daudenean, badago salbuestea kirol jarduera horietan parte hartzeko baimena eskatzen kasu batzuetan.

Kontuan izanda zein irizpideri jarraitu behar zaion baimena lortzeko lehenago Eskola Kiroleko Euskal Batzordearen txostena behar den kasuetan, ez da izango beharrezkoa baimena eskatzea aldi jakin batzuetarako antolatutako jardueretan parte hartzeko, baldin eta lehiaketa ez bada ofiziala, kasu jakin batzuetan baino ez bada egiten eta ez baditu oztopatzen Eskola Kiroleko Programaren jarduerak (hainbat kasu daude; halakoetan erakunde batek gonbidapena jasotzen du sailkapenerako balio ez duen proba/lehiaketa batean parte hartzeko, normalean udan). Hona hemen zein alditan izan behar duen:

- 2019ko abenduaren 20tik 2020ko urtarrilaren 6ra (Eguberrietako oporrak)
- 2020ko apirilaren 9tik 19ra (Aste Santuko oporrak)
- 2020ko ekainaren 15tik abuztuaren 31ra (Udako Oporrak)